



IZVJEŠTAJ O FINANSIJSKOJ REVIZIJI

FEDERALNO MINISTARSTVO RADA I SOCIJALNE POLITIKE

2025.

Broj: 01-02-06-11-1-3062-7/25



Sarajevo, maj 2026.





SADRŽAJ

I.	IZVJEŠTAJ NEZAVISNOG REVIZORA	1
1.	IZVJEŠTAJ O REVIZIJI FINANSIJSKIH IZVJEŠTAJA	1
2.	IZVJEŠTAJ O REVIZIJI USKLAĐENOSTI	2
II.	REZIME DATIH PREPORUKA.....	4
III.	KRITERIJI ZA FINANSIJSKU REVIZIJU.....	5
IV.	IZVJEŠTAJ O REVIZIJI.....	6
1.	UVOD	6
2.	PREDMET, CILJ I OBIM REVIZIJE.....	6
3.	PRAĆENJE PRIMJENE PREPORUKA I ANALIZA PREDUZETIH MJERA	6
4.	SISTEM INTERNIH KONTROLA	8
5.	OBAVLJANJE POSLOVA IZ NADLEŽNOSTI	9
5.1	Nadzor nad zakonitošću rada Federalnog zavoda za penzijsko i invalidsko osiguranje.....	10
5.2	Poslovi iz nadležnosti iz oblasti socijalne zaštite i zaštite porodice i djece	10
5.2.1	Ostvarivanja prava roditelja njegovatelja	10
5.2.2	Ostvarivanje prava na dječiji dodatak.....	11
5.3	Poslovi iz nadležnosti iz oblasti rada, zaštite na radu i zapošljavanja.....	12
5.4	Poslovi iz nadležnosti Sektora za zaštitu i inkluziju osoba sa invaliditetom, civilnih žrtava rata i jedinstveni registar	12
5.5	Zakon o ustanovama socijalne zaštite FBiH.....	13
6.	PLANIRANJE I IZVJEŠTAVANJE	14
6.1	Izrada i donošenje budžeta i plana rada	14
6.2	Izveštavanje	15
7.	FINANSIJSKI IZVJEŠTAJI	15
7.1	GODIŠNJI IZVJEŠTAJ O IZVRŠENJU BUDŽETA.....	16
7.1.1	Prihodi i primici	16
7.1.2	Rashodi, izdaci i finansiranje.....	16
7.1.2.1	Plaće i naknade troškova zaposlenih	16
7.1.2.2	Izdaci za materijal, sitan inventar i usluge.....	16
7.1.2.3	Tekući transferi i drugi tekući rashodi	17
7.1.2.3.1.	Tekući transferi drugim nivoima vlasti	19
7.1.2.3.2.	Tekući transferi pojedincima	20
7.1.2.3.3.	Tekući transferi neprofitnim organizacijama.....	20
7.1.2.3.3.	Subvencije javnim preduzećima.....	22
7.1.2.4	Kapitalni transferi	22
7.1.2.5	Nadzor nad namjenskim utroškom i evaluacija učinaka/efekata dodijeljenih budžetskih sredstava tekućih i kapitalnih transfera.....	24
7.2	BILANS STANJA.....	25
7.2.1	Gotovina, kratkoročna potraživanja, razgraničenja i zalihe.....	25
7.2.2	Stalna sredstva	25
7.2.3	Kratkoročne obaveze i razgraničenja.....	27
7.2.4	Popis imovine i obaveza	27
8.	VANBILANSNA EVIDENCIJA	28
9.	JAVNE NABAVKE	28
10.	OSTALI NALAZI	29
10.1	Implementacija i održavanja IT sistema	29
10.2	Raspodjela prihoda ostvarenih po osnovu naknada za priređivanje igara na sreću za 2025. godinu i nadzor nad utroškom	30
11.	KOMENTARI NA NACRT IZVJEŠTAJA.....	31
V.	PRILOZI	34
1.	GODIŠNJI FINANSIJSKI IZVJEŠTAJI.....	34
2.	IZJAVA RUKOVODSTVA	34



I. IZVJEŠTAJ NEZAVISNOG REVIZORA

Izveštaj nezavisnog revizora daje se na osnovu provedene finansijske revizije, koja obuhvata reviziju finansijskih izvještaja i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

1. IZVJEŠTAJ O REVIZIJI FINANSIJSKIH IZVJEŠTAJA

Mišljenje

Izvršili smo reviziju finansijskih izvještaja **Federalnog ministarstva rada i socijalne politike (u daljnjem tekstu: Ministarstvo)**, koji obuhvataju: Bilans stanja na 31. 12. 2025. godine, Račun prihoda i rashoda, Izveštaj o kapitalnim izdacima i finansiranju, Posebne podatke o plaćama i broju zaposlenih, Godišnji izvještaj o izvršenju budžeta za godinu koja se završava na taj dan, te Analizu iskaza – tekstualni dio, uključujući i rezime značajnih računovodstvenih politika.

Prema našem mišljenju, finansijski izvještaji istinito i fer prikazuju, u svim materijalnim aspektima, finansijski položaj Ministarstva na 31. 12. 2025. godine i izvršenje budžeta za godinu koja se završava na taj dan, u skladu s prihvaćenim okvirom finansijskog izvještavanja.

Osnova za mišljenje

Reviziju finansijskih izvještaja obavili smo u skladu sa Zakonom o reviziji institucija u Federaciji Bosne i Hercegovine i INTOSAI Okvirom profesionalnih objava.¹ Primijenjeni standardi su ISSAI 100 – Osnovni principi revizije javnog sektora, ISSAI 140 – Upravljanje kvalitetom za vrhovne revizijske institucije, ISSAI 200 – Principi finansijske revizije i ISSAI 2000–2899 – standardi finansijske revizije. Naše odgovornosti prema INTOSAI Okviru profesionalnih objava detaljnije su opisane u odjeljku *Odgovornost revizora za reviziju finansijskih izvještaja*.

Nezavisni smo od Ministarstva u skladu s ISSAI-jem 130 – Etički kodeks, te u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naše mišljenje.

Isticanje pitanja

Skrećemo pažnju na sljedeće pitanje:

- **Ministarstvo ne posjeduje dokumentaciju o vlasništvu i posjedu imovine koju koristi i koja je u poslovnim knjigama na 31. 12. 2025. godine iskazana u iznosu od 1.165.708 KM sadašnje vrijednosti. Ministarstvo se u oktobru 2025. godine obratilo Federalnom pravobranilaštvu u cilju rješavanja problema vlasništva i posjeda nekretnina (tačka 7.2.2 Izvještaja).**

Naše mišljenje nije modifikovano u vezi s navedenim pitanjem.

Odgovornost rukovodstva za finansijske izvještaje

Ministar je odgovoran za izradu i fer prezentaciju finansijskih izvještaja, u skladu s prihvaćenim okvirom finansijskog izvještavanja u Federaciji Bosne i Hercegovine. Ova odgovornost podrazumijeva i kreiranje, primjenu i održavanje internih kontrola, relevantnih za pripremu i prezentaciju finansijskih izvještaja koji ne sadrže materijalno značajne pogrešne iskaze usljed prevare ili greške, odgovarajuća objelodanjivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena koje su razumne u datim okolnostima.

¹ Odluka o usvajanju i objavi INTOSAI Okvira profesionalnih objava („Sl. novine FBiH“, broj 17/25). INTOSAI Okvir profesionalnih objava (engl. IFPP) čini tri nivoa objava: INTOSAI principi (INTOSAI-P), međunarodni standardi vrhovnih revizijskih institucija (ISSAI) i INTOSAI smjernice (GUID).



Odgovornost revizora za reviziju finansijskih izvještaja

Naši ciljevi su steći razumno uvjerenje o tome da li su finansijski izvještaji kao cjelina bez značajnog pogrešnog prikaza usljed prevare ili greške, kao i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija, obavljena u skladu s INTOSAI Okvirom profesionalnih objava, uvijek otkriti značajno pogrešno prikazivanje kada ono postoji. Pogrešni prikazi mogu nastati usljed prevare ili greške i smatraju se značajnim ako se razumno može očekivati da, pojedinačno ili zbirno, utiču na ekonomske odluke korisnika donesene na osnovu tih finansijskih izvještaja.

Kao dio revizije, u skladu s INTOSAI Okvirom profesionalnih objava, stvaramo profesionalne procjene i održavamo profesionalni skepticizam tokom revizije. Mi također:

- prepoznamo i procjenjujemo rizike značajnog pogrešnog prikazivanja finansijskih izvještaja, zbog prevare ili greške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja, nastalog usljed prevare, veći je od rizika nastalog usljed greške, jer prevara može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola;
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola Ministarstva;
- ocjenjujemo primjerenost korištenih računovodstvenih politika i razumnost računovodstvenih procjena, kao i povezanih objava rukovodstva;
- ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

Mi komuniciramo s rukovodstvom, između ostalih pitanja, i u vezi s planiranim djelokrugom i vremenskim rasporedom revizije i važnim revizijskim nalazima, uključujući i one u vezi sa značajnim nedostacima u internim kontrolama, koji su otkriveni tokom revizije.

2. IZVJEŠTAJ O REVIZIJI USKLAĐENOSTI

Mišljenje

Uz reviziju finansijskih izvještaja **Federalnog ministarstva rada i socijalne politike za 2025. godinu** izvršili smo i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

Prema našem mišljenju, aktivnosti, finansijske transakcije i informacije Ministarstva za 2025. godinu u skladu su, u svim materijalnim aspektima, sa zakonima i drugim propisima koji su definisani kao kriteriji za datu reviziju.

Osnova za mišljenje

Reviziju usklađenosti izvršili smo u skladu sa Zakonom o reviziji institucija u Federaciji Bosne i Hercegovine i INTOSAI Okvirom profesionalnih objava. Primijenjeni standardi su ISSAI 100 – Osnovni principi revizije javnog sektora, ISSAI 140 – Upravljanje kvalitetom za vrhovne revizijske institucije, ISSAI 400 – Principi revizije usklađenosti i ISSAI 4000 – Standard za reviziju usklađenosti. Naše odgovornosti prema INTOSAI Okviru profesionalnih objava detaljnije su opisane u odjeljku *Odgovornost revizora za reviziju usklađenosti*.

Nezavisni smo od Ministarstva u skladu s ISSAI-jem 130 – Etički kodeks, kao i u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naše mišljenje.

Odgovornost rukovodstva za usklađenost

Pored odgovornosti za pripremu i fer prezentaciju finansijskih izvještaja, Ministar je odgovoran da osigura da aktivnosti, finansijske transakcije i informacije budu u skladu s propisima kojima su regulisane i potvrdi da je tokom fiskalne godine obezbijedilo namjensko, svrsishodno i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

Odgovornost revizora za reviziju usklađenosti

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim materijalnim aspektima, u skladu sa zakonima i drugim propisima kojima su regulisane. Razumno uvjerenje je visok nivo uvjerenja, ali nije garancija da će revizija, obavljena u skladu s INTOSAI Okvirom profesionalnih objava, uvijek otkriti značajnu neusklađenost kada ona postoji. Odgovornost revizora uključuje obavljanje procedura kako bi pribavili revizijske dokaze o tome da li se sredstva koriste za odgovarajuće namjene i da li je poslovanje Ministarstva, prema definisanim kriterijima, usklađeno sa zakonima i drugim propisima. Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 28. 5. 2026. godine

ZAMJENICA GENERALNOG REVIZORA

Nina Džidić, s. r.

GENERALNI REVIZOR

Mirza Kudić, s. r.

II. REZIME DATIH PREPORUKA

REDNI BROJ	PREPORUKA	POGLAVLJE/TAČKA
1.	Sačiniti godišnji izvještaj o rješavanju upravnih stvari u upravnom postupku i dostaviti Federalnom ministarstvu pravde u skladu sa Zakonom o upravnom postupku.	5.2.2
2.	Sačiniti Plan nadzora nad zakonitošću rada Instituta za medicinsko vještačenje zdravstvenog stanja, a godišnji izvještaj o izvršenom nadzoru dostaviti do 30. 1. tekuće godine za prethodnu godinu, u skladu s Pravilnikom o vršenju nadzora nad zakonitošću rada Instituta za medicinsko vještačenje zdravstvenog stanja.	5.4
3.	Donijeti podzakonske akte propisane Zakonom o ustanovama socijalne zaštite FBiH, s ciljem osiguranja efikasnog, ujednačenog i transparentnog funkcionisanja federalnih ustanova socijalne zaštite.	5.5
4.	Donijeti godišnji program redovnog stručnog nadzora nad radom federalnih ustanova socijalne zaštite i formirati komisiju za provođenje stručnog nadzora u skladu sa Zakonom o ustanovama socijalne zaštite FBiH.	5.5
5.	Analizu iskaza sačinjavati na način propisan Pravilnikom o finansijskom izvještavanju i godišnjem obračunu budžeta u FBiH.	7.
6.	Na osnovu sačinjenih analiza za svaki pojedinačni program utroška izraditi i javno objaviti zbirni izvještaj izvršenih evaluacija efekata u skladu sa Smjericama o minimalnim standardima dodjele budžetskih sredstava putem transfera i subvencija u FBiH.	7.1.2.5
7.*	Dostaviti svu relevantnu dokumentaciju u vezi nekretnina u skladu sa dopisom Federalnog pravobranilaštva, s ciljem rješavanja statusa objekata koji se vode u knjigovodstvenim evidencijama Ministarstva.	7.2.2
8.*	Okončati aktivnosti na analizi iskazanih sumnjivih i spornih potraživanja i ostalih potraživanja, planirati aktivnosti i način njihovog rješavanja, te Vladi FBiH uputiti prijedlog za otpis nenaplativih potraživanja.	7.2.4

* nerealizovane preporuke iz prethodnog perioda (2)



III. KRITERIJI ZA FINANSIJSKU REVIZIJU

Ured za reviziju institucija u Federaciji Bosne i Hercegovine u okviru finansijske revizije provodi reviziju finansijskih izvještaja i reviziju usklađenosti. Revizija finansijskih izvještaja i revizija usklađenosti podrazumijevaju proces objektivnog prikupljanja i procjenjivanja dokaza kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Za obavljanje finansijske revizije korišteni su sljedeći kriteriji:

- Zakon o budžetima u FBiH;
 - Uredba o računovodstvu budžeta u FBiH;
 - Pravilnik o knjigovodstvu budžeta u FBiH;
 - Pravilnik o finansijskom izvještavanju i godišnjem obračunu budžeta u FBiH;
- Zakon o izvršavanju Budžeta FBiH za 2025. godinu;
- Budžet FBiH za 2025. godinu;
- Zakon o računovodstvu i reviziji u FBiH;
- Zakon o federalnim ministarstvima i drugim tijelima federalne uprave;
- Zakon o trezoru u FBiH;
- Zakon o finansijskom upravljanju i kontroli u javnom sektoru u FBiH;
- Zakon o internoj reviziji u javnom sektoru u FBiH;
- Zakon o radu;
- Zakon o državnoj službi u FBiH, član 33;
- Zakon o namještenicima u organima državne službe u FBiH, član 34;
- Zakon o plaćama i naknadama u organima vlasti FBiH;
- Zakon o porezu na dohodak, član 10;
- Zakon o doprinosima, član 11;
- Zakon o javnim nabavkama;
- Zakon o ustanovama socijalne zaštite FBiH, članovi 44, 52, 66 i 68;
- Uredba o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću;
kao i drugi podzakonski akti navedenih zakona.



IV. IZVJEŠTAJ O REVIZIJI

1. UVOD

Ministarstvo je osnovano Zakonom o federalnim ministarstvima i drugim tijelima federalne uprave² i vrši upravne, stručne i druge poslove iz nadležnosti FBiH koji se odnose na oblasti socijalne politike, rada i penzijskog i invalidskog osiguranja, i to na: politiku rada i zapošljavanja, radne odnose i prava iz radnog odnosa; zaštitu na radu; penzijsko-invalidsko osiguranje; međunarodne konvencije u skladu s Ustavom Bosne i Hercegovine, ugovore i bilateralne sporazume iz oblasti rada i zapošljavanja; socijalnu sigurnost i solidarnost, zaštitu civilnih žrtava rata; zaštitu porodica, usvojenje i starateljstvo; socijalnu zaštitu i druge poslove utvrđene zakonom.

Pravilnikom o unutrašnjoj organizaciji na koji je Vlada FBiH dala saglasnost, utvrđena je unutrašnja organizacija i način rada, te opis radnih mjesta službenika i namještenika.

Sistematizovano je 99 radnih mjesta, a na 31. 12. 2025. godine Ministarstvo je imalo 82 zaposlenih. Budžetom za 2025. godinu planirani broj zaposlenih je 98.

Ministarstvom rukovodi ministar Adnan Delić, koji je imenovan 28. 4. 2023. godine.

Sjedište Ministarstva je u Sarajevu, u Ulici Hamdije Čemerlića broj 2.

2. PREDMET, CILJ I OBIM REVIZIJE

Predmet revizije su finansijski izvještaji Ministarstva za 2025. godinu i usklađenost aktivnosti, finansijskih transakcija i informacija s relevantnim zakonima i drugim propisima.

Cilj je da se izrazi mišljenje o tome jesu li finansijski izvještaji pouzdani i da li bilansi u potpunosti odražavaju rezultate izvršenja budžeta. Revizijom će se procijeniti primjenjuje li rukovodstvo institucije zakone i propise i koristi li sredstva za odgovarajuće namjene, te ocijeniti finansijsko upravljanje, sistem internih kontrola i funkcija interne revizije.

Revizija je obavljena u skladu s internim planskim dokumentima, s prekidima u periodu od novembra 2025. do maja 2026. godine.

S obzirom na to da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, pojedine materijalno značajne greške mogu ostati neotkrivene.

3. PRAĆENJE PRIMJENE PREPORUKA I ANALIZA PREDUZETIH MJERA

Ured za reviziju institucija u FBiH (u daljnjem tekstu: Ured za reviziju) izvršio je finansijsku reviziju Ministarstva za 2024. godinu, sačinio Izvještaj o izvršenoj reviziji i dao pozitivno mišljenje o finansijskim izvještajima i o usklađenosti poslovanja sa zakonskim i ostalim propisima. U Izvještaju su date preporuke s ciljem otklanjanja uočenih propusta i nedostataka.

Ministarstvo je postupilo u skladu s članom 16. tačka 3. Zakona o reviziji institucija u FBiH i obavijestilo o preduzetim radnjama s ciljem prevazilaženja nepravilnosti identifikovanih u revizorskom izvještaju.

Revizijom je konstatovano da su preduzete odgovarajuće mjere, u skladu s planiranim aktivnostima.

² „Sl. novine FBiH“, br. 19/03, 38/05, 2/06, 8/06, 61/06 i 48/11



Realizovane preporuke	
1.	Ministarstvo je tokom 2025. godine vršilo raspodjelu sredstva tekućih transfera neprofitnim organizacijama, između ostalih i za Transfer za provedbu Zakona o zaštiti od nasilja u porodici, shodno utvrđenoj namjeni i svrsi u skladu sa Zakonom o izvršenju Budžeta FBiH i Programom utroška sredstava.
2.	Ministarstvo je sačinilo i dostavilo Vladi FBiH informaciju o namjenskom utrošku dodijeljenih sredstava iz prihoda ostvarenih po osnovu naknada za priređivanje igara na sreću za 2025, u skladu sa Uredbom o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću.
Djelimično realizovane preporuke	
1.	Ministarstvo se 14. 10. 2025. godine obratilo Federalnom pravobranilaštvu zbog rješavanja pitanja vlasništva i posjeda nekretnina koje se vode u knjigovodstvenim evidencijama Ministarstva, između ostalog i za nekretninu koja je vlasništvo Zavoda zdravstvenog osiguranja i reosiguranja FBiH. U dopisu je navedeno da je Ministarstvo u ranijem periodu dostavilo Federalnom pravobranilaštvu posjedovne listove i ZK izvratke za nekretnine koje se vode u knjigovodstvenim evidencijama Ministarstva. Federalno pravobranilaštvo je 5. 12. 2025. godine odgovorilo Ministarstvu da je potrebno da za svaku nekretninu dostave svu relevantnu dokumentaciju kako bi se utvrdilo u čijem su posjedu i da li ima pravnog osnova za podnošenje tužbe pred nadležnim sudom.
2.	U vezi preporuke da se izvrši detaljna analiza iskazanih sumnjivih i spornih potraživanja, te planiranju aktivnosti i načinu njihovog rješavanja, s obzirom na obimnost predmeta (na datum bilansa iskazana sumnjiva i sporna potraživanja 852.222 KM i ostala potraživanja 353.226 KM), Komisija za popis za 2025. godinu je metodom slučajnog uzorka provjerila dokumentaciju kako bi potvrdila da su poduzete sve radnje utvrđene zakonskim i podzakonskim aktima, te je dala prijedlog Odluke o otpisu potraživanja za identifikovane nenaplative predmete u iznosu od 360.738 KM za 426 predmeta. Naglašavamo, da komisija za popis za ostala sumnjiva i sporna potraživanja koja nisu predložena za otpis (491.484 KM), kao i za ostala potraživanja (353.226 KM), nije dala prijedlog za način njihovog rješavanja i poduzimanja daljih aktivnosti na njihovoj naplati.
Preporuka za koje nije izvršena ocjena postupanja	
1.	Za preporuku „Tekuće i kapitalne transfere planirati i realizovati u skladu s kontnim planom utvrđenim Pravilnikom o knjigovodstvu budžeta u FBiH“ nije vršena ocjena postupanja. Na osnovu budžetskog zahtjeva Ministarstva, Budžetom FBiH za 2025. godinu odobrena su sredstva u iznosu 1.500.000 KM na poziciji Tekući transferi neprofitnim organizacijama - Provedba Zakona o zaštiti od nasilja u porodici u okviru kojeg su planirana sredstva za osiguranje socijalnog zbrinjavanja i socijalne podrške žrtvama porodičnog nasilja kroz opremanje sigurne kuće na području Zapadnohercegovačkog kantona (Javna ustanova Centar za socijalni rad Ljubuški) u iznosu od 500.000 KM. Naime, internom preraspodjelom na osnovu Rješenja Federalnog ministarstva finansija od 14. 11. 2025. godine umanjen je navedeni transfer za 500.000 KM i ukupno raspoloživa sredstva za ovaj tekući transfer iznose 1.000.000 KM, koliko je i utrošeno na datum bilansa. Nije provedena procedura dodjele sredstava Javnoj ustanovi Centar za socijalni rad Ljubuški. Shodno navedenom, nije vršena ocjena postupanja po preporuci.

Nakon izvršene revizije za 2025. godinu dato je ukupno osam preporuka, od čega je šest novih i dvije preporuke koje su već date u Izvještaju o finansijskoj reviziji za 2024. godinu (obje djelimično realizovane).



Postupanje po Pismu menadžmentu

U toku obavljene prethodne revizije konstatovali smo da postoje određene slabosti sistema internih kontrola, koje mogu uticati na finansijske izvještaje i usklađenost poslovanja. Putem pisma menadžmentu koje je dostavljeno nakon obavljene prethodne revizije obavijestili smo o slabostima i dali odgovarajuće preporuke, kako bi se preduzele aktivnosti s ciljem njihovog otklanjanja prije sačinjavanja godišnjih finansijskih izvještaja za 2025. godinu, i kako se one ne bi ponovile u izvještaju o finansijskoj reviziji za 2025. godinu.

U pismu menadžmentu date su dvije preporuke, od kojih je jedna implementirana do dana sačinjavanja izvještaja o finansijskoj reviziji, a jedna je djelimično implementirana. Uprava je pokazala spremnost za otklanjanje utvrđenih nepravilnosti i uspostavljanje sistema internih kontrola.

4. SISTEM INTERNIH KONTROLA

Cilj sistema internih kontrola je da osigura razumno uvjerenje da Ministarstvo u poslovanju upravlja javnim sredstvima zakonito, transparentno, ekonomično, efikasno i efektivno, odnosno da interne kontrole funkcionišu u skladu s važećom regulativom.

Finansijsko upravljanje i kontrola

Finansijsko upravljanje i kontrola je sveobuhvatan sistem internih kontrola koji uspostavljaju i za koji su odgovorni rukovodioci korisnika javnih sredstava, a kojim se upravljajući rizicima osigurava razumno uvjerenje da će se u ostvarivanju ciljeva budžetska i druga sredstva koristiti pravilno, ekonomično, efikasno i efektivno. Sistem internih kontrola uspostavlja se donošenjem internih propisa i akata, u skladu s važećom regulativom.

Zakon o finansijskom upravljanju i kontroli u javnom sektoru u FBiH,³ Pravilnik o provođenju finansijskog upravljanja i kontrole u javnom sektoru u FBiH⁴ nalažu uspostavljanje, vođenje i procjenu sistema internih kontrola na osnovu COSO modela.⁵

Ministarstvo je u septembru 2024. godine donijelo Pravilnik o unutrašnjoj organizaciji na koji je Vlada FBiH dala saglasnost. Ovim Pravilnikom uređena je unutrašnja organizacija, vrste organizacijskih jedinica i njihova nadležnost, sistematizacija radnih mjesta s opisom poslova, rukovođenje, ovlaštenja i odgovornost za obavljanje poslova, i druga pitanja od značaja za organizaciju i rad. Za obavljanje poslova i zadataka iz nadležnosti Ministarstva osnovane su organizacione jedinice: Kabinet ministra, Sektor za ekonomsko-finansijske i materijalne poslove, Sektor za rad, zaštitu na radu i zapošljavanje, Sektor za penzijsko i invalidsko osiguranje, Sektor za socijalnu zaštitu i zaštitu porodice i djece, Sektor za zaštitu i inkluziju osoba sa invaliditetom, civilnih žrtava rata i jedinstveni registar, Služba za pravne, kadrovske i opće poslove, Služba za evropske integracije i informacijsko-komunikacijske tehnologije, Jedinica za internu reviziju. U junu 2017. godine imenovana je koordinatorica za finansijsko upravljanje i kontrolu.

Ministarstvo je donijelo Mapu procesa u novembru 2024, a Registar rizika je donesen u februaru 2025. godine. Izvršen je unos podataka u Aplikaciju PIFC (modul za finansijsko upravljanje i kontrolu).

Ministarstvo je sačinilo plan za razvoj finansijskog upravljanja i kontrole, kao i izvještaj o realizaciji plana za razvoj i finansijsko upravljanje i kontrole za 2025. godinu.

Godišnji izvještaj o funkcionisanju sistema finansijskog upravljanja i kontrole za 2025. sačinjen je i dostavljen Federalnom ministarstvu finansija 25. 2. 2026. godine, u skladu s članom 14. Zakona o finansijskom upravljanju i kontroli u javnom sektoru u FBiH i članom 10. Pravilnika o provođenju finansijskog

³ „Sl. novine FBiH“, br. 38/16

⁴ „Sl. novine FBiH“, br. 6/17

⁵ COSO model je općeprihvaćeni međunarodni model za uspostavljanje, vođenje i procjenu sistema internih kontrola koji čini pet međusobno povezanih komponenti: kontrolno okruženje, procjena rizika, kontrolne aktivnosti, informacije i komunikacije, praćenje i procjena. Ovaj model definiše internu kontrolu kao postupke koje poduzima rukovodstvo zajedno sa zaposlenicima institucije koja je osmišljena da osigura razumno uvjerenje da se postizanje ciljeva poslovanja odvija putem efikasnih i efektivnih procesa, da je osigurana pouzdanost finansijskog izvještavanja, kao i usklađenost sa važećom regulativom.



upravljanja i kontrole u javnom sektoru FBiH. U njemu su navedene mjere koje se planiraju poduzeti za daljnji razvoj finansijskog upravljanja i kontrole po COSO komponentama.

Izjava o fiskalnoj odgovornosti sačinjena je i dostavljena Federalnom ministarstvu finansija 12. 3. 2026. godine, u skladu s članom 2. i 6. Pravilnika o obliku, sadržaju, načinu popunjavanja i predaje izjave o fiskalnoj odgovornosti.

Interna revizija

Ministarstvo je u skladu sa Zakonom o internoj reviziji u javnom sektoru u FBiH⁶ i Pravilnikom o kriterijima za uspostavljanje jedinica za internu reviziju u javnom sektoru u FBiH⁷ obavezno uspostaviti jedinicu za internu reviziju.

Pravilnikom o unutrašnjoj organizaciji uspostavljena je Jedinica za internu reviziju u kojoj su sistematizovana četiri radna mjesta: načelnik (jedan izvršilac), stručni savjetnik – interni revizor (dva izvršioca) i viši samostalni referent za analizu i obradu (jedan izvršilac), od čega su na 31. 12. 2025. popunjena dva radna mjesta (radno mjesto načelnik i stručni savjetnik – interni revizor (jedan izvršilac)).⁸

Godišnjim planom rada za 2025, koji je sačinjen na osnovu Strateškog plana za period 2025 - 2027. godine, planirano je pet revizija: Revizija potraživanja federalnog ministarstva rada i socijalne politike, Revizija aktivnih sudskih predmeta, Revizija isplate dječjeg dodatka, Revizija procesa i isplate i kontrole isplaćenih sredstava za neratne invalide i Revizija procesa javnih nabavki.

Godišnji izvještaj o radu sačinjen je i dostavljen Centralnoj harmonizacijskoj jedinici 15. 1. 2026. godine. Prema prezentiranom Godišnjem izvještaju o radu, obavljene su sve planirane revizije, te je dato 17 preporuka čije je provođenje u toku (od čega je sa 31. 12. 2025. za deset preporuka istekao rok za realizaciju, dok za sedam nije).

Provedenom revizijom je konstatovano da je interna revizija uspostavljena u skladu sa Zakonom o internoj reviziji u javnom sektoru u Federaciji Bosne i Hercegovine i Pravilnikom o kriterijima za uspostavu jedinica za internu reviziju u javnom sektoru u Federaciji BiH. Uzimajući u obzir premet obavljenih revizija u toku 2025. godine, pri obavljanju finansijske revizije oslanjali smo se na rad interne revizije.

Prevenција korupcije

U skladu s Akcionim planom za borbu protiv korupcije za period od 2021. godine do donošenja nove strategije za borbu protiv korupcije u FBiH, Ministarstvo je u novembru 2022. godine usvojilo Plan integriteta, a u aprilu 2025. donesen je novi Plan integriteta. Pravila, uslovi, ovlaštenja i odgovornosti u provođenju prevencije i borbe protiv korupcije tokom obavljanja poslova iz nadležnosti Ministarstva definisani su Pravilnikom o prevenciji i borbi protiv korupcije, koji datira iz 2022. godine. Ministarstvo je sačinilo Izvještaj o provođenju mjera i preporuka za poboljšanje integriteta 24. 2. 2026. godine, te ga dostavio Agenciji za prevenciju korupcije i koordinaciju borbe protiv korupcije i Antikorupcionom timu Vlade FBiH.

5. OBAVLJANJE POSLOVA IZ NADLEŽNOSTI

Nadležnosti Ministarstva definisane su Zakonom o federalnim ministarstvima i drugim tijelima federalne uprave, Zakonom o penzijskom i invalidskom osiguranju, Zakonom o roditeljima njegovateljima u FBiH, Zakonom o materijalnoj podršci porodicama s djecom u FBiH, Zakonom o zaštiti na radu, Zakonom o ustanovama socijalne zaštite FBiH i Zakonom o ustanovama.

U skladu sa zakonskim propisima, u nadležnosti Ministarstva je obavljanje nadzora nad zakonitošću rada Federalnog zavoda za zapošljavanje, Federalnog zavoda za penzijsko i invalidsko osiguranje (u

⁶ „Sl. novine FBiH“, br. 47/08, 101/16

⁷ „Sl. novine FBiH“, br. 49/20

⁸ Za radno mjesto načelnika jedinice i stručni savjetnik – interni revizor koeficijent za obračun plaće iznosi 5,2.



daljem tekstu: FZ PIO/MIO), pet ustanova socijalne zaštite (Ustanova za socijalno zbrinjavanje i zdravstvenu njegu – Drin, Ustanova za socijalno zbrinjavanje i zdravstvenu njegu – Bakovići, Ustanova za socijalno zbrinjavanje, zdravstvenu njegu, odgoj o obrazovanje – Pazarić, Ustanova za socijalno zbrinjavanje i zdravstvenu njegu – Ljubuški, Ustanova za socijalno zbrinjavanje, odgoj i obrazovanje – Sarajevo), Fonda za profesionalnu rehabilitaciju i zapošljavanje osoba sa invaliditetom i Instituta za medicinsko vještačenje zdravstvenog stanja.

5.1 Nadzor nad zakonitošću rada Federalnog zavoda za penzijsko i invalidsko osiguranje

U skladu s članom 137. Zakona o penzijskom i invalidskom osiguranju, nadzor nad radom FZ PIO/MIO vrši Ministarstvo, upravna inspekcija i Federalna uprava za inspeksijske poslove, svako u okviru svojih nadležnosti. Naime, Ministarstvo vrši nadzor nad radom i primjenom propisa koje provodi FZ PIO/MIO, prvenstveno podrazumijeva pravilnu primjenu materijalnog prava prilikom ostvarivanja prava osiguranika, te se vrši nadzor kroz davanje uputa, mišljenja i stavova ali i kroz neposredni uvid u predmete, vezane za ostvarivanje prava. Ministar je 14. 1. 2025. godine donio Plan nadzora FZ PIO/MIO za 2025. godinu. Planom nadzora su definisane posjete kantonalnim službama Sarajevo, Bihać, Ljubuški, Tuzla i Livno sa rokovima izvršenja. Planirane su aktivnosti na upoznavanju sa radom, sa problemima u radu, dinamikom rješavanja po zahtjevima stranaka, provjeravanju ispravnosti primjene propisa i dr. Nakon provedenog nadzora sačinjavaju se zabilješke, te se eventualno prilažu materijali vezani za predmete/materiju koja je bila predmet nadzora. Uvidom u dokumentaciju konstatovano je da je izvršen planirani nadzor i sačinjene zabilješke koje su upućene ministru, bez utvrđenih nepravilnosti. Ministarstvo je nadzor nad zakonitošću rada FZ PIO/MIO provelo u skladu s planom.

5.2 Poslovi iz nadležnosti iz oblasti socijalne zaštite i zaštite porodice i djece

5.2.1 Ostvarivanja prava roditelja njegovatelja

Zakonom o roditeljima njegovateljima u FBiH,⁹ koji je stupio na snagu 30. 12. 2021. godine, priznaje se pravo jednom od roditelja lica s invaliditetom sa 100% oštećenjem organizma, ako je roditelj nezaposlen i prijavljen na evidenciji nadležne službe za zapošljavanje ili ukoliko ima dokaz Porezne uprave FBiH da nije osigurano lice u Jedinstvenom sistemu registracije, kontrole i naplate doprinosa (JS).

U skladu sa Zakonom, roditelj njegovatelj ima pravo na mjesečnu naknadu u visini iznosa neto najniže plaće u FBiH u skladu sa Zakonom o radu,¹⁰ na koju se uplaćuju doprinosi za penzijsko i invalidsko osiguranje, zdravstveno osiguranje i osiguranje za vrijeme nezaposlenosti po istim stopama kao za osiguranike iz osnova radnog odnosa u skladu s propisima o doprinosima. Obračun, prijave i uplatu mjesečne naknade i pripadajućih doprinosa, kao i prijave/odjave u JS registracije, kontrole i naplate doprinosa vrši centar za socijalni rad, odnosno općinska služba za socijalnu zaštitu.

Postupak za priznavanje statusa roditelja njegovatelja i utvrđivanje prava pokreće se po zahtjevu stranke, o kojem u prvom stepenu rješava centar za socijalni rad, odnosno općinska služba za socijalnu zaštitu, a o žalbama protiv rješenja donesenih u prvom stepenu rješava Ministarstvo. Također, Ministarstvo vrši reviziju rješenja donesenih u prvom stepenu, a revizija odlaže izvršenje rješenja. U toku 2025. godine zaprimljeno je 611 žalbi na rješenja donesena u prvom stepenu, koje su do obavljanja revizije okončane, a izvršene su revizije za 580 predmeta.

Pored toga, Ministarstvo je nadležno za provođenje ovog Zakona i propisa donesenih na osnovu Zakona, izdaje instrukcije i vrši neposredni nadzor u dijelu koji se odnosi na ostvarivanje prava, dok inspeksijski nadzor vrši Federalna uprava za inspeksijske poslove putem inspektora za socijalnu i dječiju

⁹ „Sl. novine FBiH“, br. 75/21

¹⁰ „Sl. novine FBiH“, br. 26/16, 89/18



zaštitu, u pogledu postupka ostvarivanja prava, kao i vođenja propisnih evidencija kroz jedinstvenu bazu podataka.

Ministarstvo vodi evidenciju roditelja njegovatelja, te vrši reviziju rješenja donesenih u prvom stepenu. Pravilnikom o sadržaju i načinu vođenja evidencije o roditeljima njegovateljima u FBiH propisani su sadržaj i način vođenja evidencije o licima kojima je priznat ovaj status, kao i evidencije o isplata naknada i doprinosa. Evidenciju vodi Ministarstvo putem jedinstvene elektronske baze podataka SOTAC, na osnovu podataka koje unose nadležni centri za socijalni rad.

5.2.2 Ostvarivanje prava na dječiji dodatak

Zakonom o materijalnoj podršci porodicama s djecom u FBiH¹¹ uređene su osnove materijalne podrške porodicama s djecom, osnovna materijalna prava porodicama s djecom, postupak, uslovi i način ostvarivanja prava, finansiranje materijalne podrške porodicama s djecom, nadzor i druga pitanja od značaja za ostvarivanje materijalne podrške porodicama s djecom u FBiH.

Pravo na dječiji dodatak ostvaruje dijete ukoliko ukupni mjesečni prihodi po članu zajedničkog domaćinstva ne prelaze 40% najniže plaće u FBiH, te ukoliko nije smješteno u hraniteljsku porodicu ili ustanovu socijalne zaštite duže od 30 dana, a troškovi smještaja se djelimično ili u potpunosti obezbjeđuje iz budžetskih sredstava. Pravo na dječiji dodatak ostvaruje dijete do navršene 18. godine života, a visina dječijeg dodatka iznosi 19% najniže plaće u FBiH utvrđene odredbama Zakona o radu.

O pravu na dječiji dodatak u prvom stepenu odlučuje nadležni centar za socijalni rad, odnosno općinska služba socijalne zaštite prema mjestu prebivališta djeteta, a o žalbama protiv odluka donesenih u prvom stepenu odlučuje Ministarstvo kao drugostepeni organ. Isplata novčanih primanja vrši se na osnovu rješenja o priznavanju prava koje nadležni centar za socijalni rad, odnosno općinska služba socijalne zaštite unosi u Jedinstvenu elektronsku bazu podataka Ministarstva. Nadležni prvostepeni organi vode evidenciju o korisnicima po polu i izvršenim isplata i dostavljaju mjesečne zbirne izvještaje Ministarstvu.

Ovim Zakonom regulisana je i novčana pomoć nezaposlenoj porodilji za čiju se isplatu obezbjeđuju sredstva u budžetima kantona. U skladu sa Zakonom, Ministarstvo kao drugostepeni organ odlučuje o žalbama protiv odluka o pravu na dječiji dodatak donesenih u prvome stepenu. U toku 2025. godine zaprimljeno je 729 žalbi na odluke donesene u prvom stepenu, a riješeno je 595 žalbi.

Zakonom o upravnom postupku¹² utvrđena je nadležnost Federalnog ministarstva pravde u dijelu vršenja nadzora nad provođenjem ovog Zakona, u okviru kojeg je i nadzor nad poštivanjem rokova prilikom rješavanja upravnih stvari u upravnom postupku u federalnim organima uprave i federalnim ustanovama, kao i izvještavanju o rješavanju upravnih stvari. Kantonalni i federalni organi uprave imaju obavezu podnošenja godišnjeg izvještaja o rješavanju upravnih stvari u upravnom postupku prema Federalnom ministarstvu pravde,¹³ a obaveza Federalnog ministarstva pravde je da izvještaj koristi za poduzimanje odgovarajućih mjera putem upravne inspekcije i drugih mjera za koje su zakonom ovlašteni radi pravilne i dosljedne primjene odredbi Zakona o upravnom postupku.¹⁴ Provedenom revizijom je konstatovano da Ministarstvo u 2025. godini nije podnijelo godišnji izvještaj o rješavanju upravnih stvari u upravnom postupku Federalnom ministarstvu pravde.

Ministarstvo nije sačinilo godišnji izvještaj o rješavanju upravnih stvari u upravnom postupku u vezi Zakona o roditeljima njegovateljima u FBiH i Zakona o materijalnoj podršci porodicama sa djecom u FBiH, niti ga je dostavilo Federalnom ministarstvu pravde, što je bila obaveza po Zakonu o upravnom postupku.

¹¹ „Sl. novine FBiH“, br. 52/22

¹² „Sl. novine FBiH“, br. 2/98, 48/99 i 61/22

¹³ U skladu sa članom 294. stavovi 4. i 5. Zakona o upravnom postupku

¹⁴ Ovi izvještaji trebaju naročito sadržavati sljedeće podatke: broj podnesenih zahtjeva od stranaka, broj pokrenutih upravnih postupaka po službenoj dužnosti, način i rokove rješavanja upravnih stvari u prvostepenom i drugostepenom upravnom postupku, broj poništenih odnosno ukinutih upravnih akata, broj odbačenih zahtjeva, odnosno obustavljenih upravnih postupaka, broj i vrste primijenjenih prisilnih mjera, odnosno izrečenih novčanih kazni i broj neriješenih upravnih predmeta.



Preporuka:

- **sačiniti godišnji izvještaj o rješavanju upravnih stvari u upravnom postupku i dostaviti Federalnom ministarstvu pravde u skladu sa Zakonom o upravnom postupku.**

5.3 Poslovi iz nadležnosti iz oblasti rada, zaštite na radu i zapošljavanja

U skladu s članom 34. Zakona o zaštiti na radu ministar je donio Pravilnik o uslovima koje moraju ispunjavati radnici za zaštitu na radu, programu, sadržaju, načinu i troškovima polaganja stručnog ispita, kojim su propisani uslovi koje moraju ispunjavati radnici za zaštitu na radu, program, sadržaj, način i troškovi polaganja stručnog ispita za obavljanje poslova radnika za zaštitu na radu (u daljnjem tekstu: stručni ispit), sastav komisije, kao i uvjeti pod kojim određena lica mogu biti oslobođena obaveze polaganja stručnog ispita. Ministar je imenovao komisije za polaganje stručnih ispita. Radi unapređenja rada i transparentnijeg odabira članova komisija upućeni su dopisi univerzitetima i fakultetima da dostave podatke o nastavnom osoblju. Članovi komisije se imenuju sa dostavljenih spiskova, nakon izvršene provjere o ispunjenosti ostalih uslova.

U nadležnosti Sektora za rad, zaštitu na radu i zapošljavanje je nadzor nad zakonitošću rada kantonalnih službi za zapošljavanje i nadzor nad zakonitošću rada Federalnog zavoda za zapošljavanje (u daljnjem tekstu: Zavod). U skladu s mišljenjem, koje je dalo Federalno ministarstvo pravde, Ministarstvo je dužno unutrašnjom organizacijom osigurati kontinuiran neposredni nadzor nad zakonitošću rada Zavoda. **S tim u vezi, nadležni Sektor je tokom 2025. godine kontinuirano pratio aktivnosti Zavoda, razmatranje i davanje saglasnosti na akta Zavoda (program rada, finansijski plan, interne preraspodjele, periodično izvještavanje, izvještaj o radu, raspisivanje javnog oglasa i prijem zaposlenika i drugi dokumenti).**

5.4 Poslovi iz nadležnosti Sektora za zaštitu i inkluziju osoba sa invaliditetom, civilnih žrtava rata i jedinstveni registar

U nadležnosti Sektora za zaštitu i inkluziju osoba sa invaliditetom, civilnih žrtava rata i jedinstveni registar je i obavljanje nadzora nad zakonitošću rada Fonda za profesionalnu rehabilitaciju i zapošljavanje osoba sa invaliditetom (u daljnjem tekstu: Fond) i Instituta za medicinsko vještačenje zdravstvenog stanja (u daljnjem tekstu: Institut).

U skladu s Odlukom o osnivanju Fonda za profesionalnu rehabilitaciju i zapošljavanje osoba sa invaliditetom, Ministarstvo vrši upravni nadzor nad zakonitošću rada i općih akata Fonda. U okviru nadzora za 2024. godinu izvršen je pregled pravilnika Fonda,¹⁵ nakon čega je 20. 1. 2025. godine Fondu dostavljena preporuka za izmjene pojedinih pravilnika. Fond je 30. 1. 2025. godine dostavio izmijenjeni Pravilnik o ostvarivanju prava na isplatu novčanih naknada i subvencija, dok izmjene ostalih pravilnika nisu dostavljene u skladu s datim preporukama.

Zakonom o osnivanju Instituta za medicinsko vještačenje zdravstvenog stanja propisano je da nadzor nad zakonitošću rada Instituta vrše više federalnih ministarstava, uključujući Ministarstvo, svako u okviru svoje nadležnosti. Nadzor nad radom Instituta regulisan je Pravilnikom o unutrašnjoj organizaciji i sistematizaciji radnih mjesta Ministarstva. Nadležni sektor kontroliše spiskove korisnika usluge medicinskog vještačenja, koje im dostavlja Institut, te u slučajevima sumnje u objektivnost datih nalaza, traži se provjera dodatno medicinsko vještačenje. Način vršenja nadzora uređen je Pravilnikom o vršenju nadzora nad zakonitošću rada Instituta, kojim je između ostalog definisano da se nadzor vrši na osnovu Godišnjeg plana koji utvrđuje Institut i Planom nadzora nad zakonitošću rada kojeg utvrđuje

¹⁵ Pravilnik o ostvarivanju prava na isplatu novčanih naknada i subvencija i njegove izmjene i dopune; Pravilnik o raspodjeli sredstava za finansiranje i sufinansiranje programa održivosti zaposlenih, razvoja privrednih društava za zapošljavanje osoba sa invaliditetom i zaštitnih radionica te programa profesionalne rehabilitacije osoba sa invaliditetom i Pravilnika o raspodjeli sredstava Fonda za dodjelu novčanog stimulansa za novo zapošljavanje osoba sa invaliditetom i njegovim izmjenama i dopunama.



Ministarstvo, kao i da su nadležni uposlenici Ministarstva dužni sačiniti godišnji izvještaj o izvršenom nadzoru i dostaviti ga ministru najkasnije do 30. 1. tekuće godine za prethodnu godinu.

Revizijom je utvrđeno da Plan nadzora nad zakonitošću rada Instituta za 2025. godinu nije sačinjen, ali da je Ministarstvo tokom godine vršilo kontinuirani nadzor nad radom Instituta u okviru sistematizovanih radnih mjesta Ministarstva. Izvještaj o nadzoru sačinjen je 18. 5. 2026. godine, odnosno nakon isteka roka utvrđenog Pravilnikom.

U nadležnosti Sektora je i vođenje prvostepenih i drugostepenih upravnih postupaka. Drugostepeni upravni postupci vode se po žalbama na rješenja prvostepenih organa prilikom uvođenja u pravo i utvrđivanja statusa osoba sa invaliditetom, te revizije rješenja prvostepenih organa.

Preporuka:

- **sačiniti Plan nadzora nad zakonitošću rada Instituta za medicinsko vještačenje zdravstvenog stanja, a godišnji izvještaj o izvršenom nadzoru dostaviti do 30. 1. tekuće godine za prethodnu godinu, u skladu s Pravilnikom o vršenju nadzora nad zakonitošću rada Instituta za medicinsko vještačenje zdravstvenog stanja.**

5.5 Zakon o ustanovama socijalne zaštite FBiH

Zakonom o ustanovama socijalne zaštite FBiH¹⁶ (u daljem tekstu: Zakon o ustanovama) regulisano je članom 44. stav 2. da je federalni ministar rada i socijalne politike u obavezi donijeti metodologiju po kojoj će upravni odbori federalnih ustanova socijalne zaštite u rokovima donositi jednogodišnje i trogodišnje programe i planove rada i razvoja federalnih ustanova socijalne zaštite na koje saglasnost daje Vlada FBiH; donositi investicijske odluke i petogodišnje planove kapitalnih ulaganja; razmatrati i usvajati izvještaje o radu i poslovanju i donositi finansijske planove federalnih ustanova socijalne zaštite. U članu 52. stav 2. Zakona o ustanovama navedeno je da će federalni ministar rada i socijalne politike donijeti metodologiju po kojoj će nadzorni odbori federalnih ustanova socijalne zaštite u rokovima izvještavati osnivača, upravni odbor i direktora o rezultatima nadzora nad federalnim ustanovama zdravstvene zaštite. Federalne ustanove socijalne zaštite su prema članu 66. Zakona o ustanovama dužne uspostaviti javni registar subvencija i donacija, a sadržaj i način vođenja registra je trebao propisati federalni ministar rada i socijalne politike uz prethodno pribavljeno mišljenje federalnog ministra finansija. Također, federalni ministar rada i socijalne politike u konsultacijama s federalnim ustanovama socijalne zaštite u obavezi je donijeti propis kojim će utvrditi jedinstvene standarde za utvrđivanje visine plaće i ostalih ličnih primanja zaposlenika federalnih ustanova socijalne zaštite u skladu s članom 68. stav 2. Zakona o ustanovama. Do okončanja revizije, federalni ministar rada i socijalne politike nije donio propisane metodologije za rad upravnih i nadzornih odbora federalnih ustanova socijalne zaštite, nije donio sadržaj i način vođenja javnog registra subvencija i donacija, kao ni propis kojim će utvrditi jedinstvene standarde za utvrđivanje visine plaće i ostalih ličnih primanja zaposlenika federalnih ustanova socijalne zaštite, što nije u skladu s članovima 44., 52., 66. i 68. Zakona o ustanovama. Prema pisanoj izjavi odgovorne osobe, Ministarstvo je pokrenulo izradu pravilnika kao podzakonskih akata u skladu sa Zakonom o ustanovama socijalne zaštite FBiH.¹⁷ Neki od pravilnika su još uvijek u proceduri sačinjavanja od strane Ministarstva, neki su poslani federalnim ustanovama socijalne zaštite na davanje mišljenje, a za neke se čeka mišljenje Federalnog ministarstva pravde.

Preporuka:

- **donijeti podzakonske akte propisane Zakonom o ustanovama socijalne zaštite FBiH, s ciljem osiguranja efikasnog, ujednačenog i transparentnog funkcionisanja federalnih ustanova socijalne zaštite.**

¹⁶ „Sl. novine FBiH“, br. 64/22

¹⁷ Pravilnik o metodologiji za utvrđivanje cijene usluge socijalnog zbrinjavanja i socijalne podrške u sigurnim kućama; Pravilnik o metodologiji i rokovima izrade programskih, planskih i izvještajnih dokumenata; Pravilnik o javnom registru subvencija i donacija u federalnim ustanovama socijalne skrbi; Pravilnik o sadržaju i načinu vođenja javnog registra kapitalnih investicija i nabavke stalnih sredstava i Pravilnik o vršenju stručnog nadzora nad ustanovama socijalne skrbi FBiH.



Zakonom u ustanovama socijalne zaštite FBiH propisano da se redovan stručni nadzor nad radom federalnih ustanova socijalne zaštite provodi u skladu sa godišnjim programom redovnog stručnog nadzora koji donosi federalni ministar rada i socijalne politike. Tokom 2025. godine nije donesen godišnji program redovnog stručnog nadzora nad radom federalnih ustanova socijalne zaštite.

Prema članu 76. Zakona o ustanovama socijalne zaštite FBiH definisano da se stručni nadzor nad radom federalnih ustanova socijalne zaštite vrši posebna komisija koju formira federalni ministar rada i socijalne politike od stručnih lica s Liste stručnih nadzornika u federalnim ustanovama socijalne zaštite koju utvrđuje Vlada FBiH na prijedlog Ministarstva.

Ministarstvo tokom 2025. godine nije imenovalo komisiju za provođenje stručnog nadzora nad radom federalnih ustanova socijalne zaštite. Prema pisanoj izjavi Ministarstvo je sačinilo prijedlog Pravilnika o vršenju stručnog nadzora nad federalnim ustanovama socijalne zaštite kojim je detaljno uređen način i sadržaj provođenja stručnog nadzora, opći i posebni kriteriji za odabir stručnih nadzornika, forma i sadržaj liste stručnih nadzornika, način formiranja komisije za provođenje stručnog nadzora, sadržaj zapisnika o provedenom stručnom nadzoru, sadržaj evidencije o provedenim stručnim nadzorima i datim preporukama i naloženim mjerama, kao i druga pitanja značajna za obavljanje stručnog nadzora nad federalnim ustanovama socijalne zaštite. Federalno ministarstva zdravstva još uvijek nije dalo mišljenje na predloženi Pravilnik o vršenju stručnog nadzora. Napominjemo, da je Ministarstvo u 2023. godini imenovalo komisiju koja je izvršila nadzor nad zakonitošću rada ustanova socijalne zaštite.

Ministarstvo tokom 2025. godine nije donijelo godišnji program redovnog stručnog nadzora nad radom federalnih ustanova socijalne zaštite, niti je formiralo komisiju za provođenje stručnog nadzora koju čine stručna lica s Liste stručnih nadzornika u federalnim ustanovama socijalne zaštite, a koju utvrđuje Vlada FBiH na prijedlog Ministarstva. To nije u skladu sa Zakonom o ustanovama socijalne zaštite FBiH.

Preporuka:

- ***donijeti godišnji program redovnog stručnog nadzora nad radom federalnih ustanova socijalne zaštite i formirati komisiju za provođenje stručnog nadzora u skladu sa Zakonom o ustanovama socijalne zaštite FBiH.***

Članom 69. stav 4. Zakona o ustanovama socijalne zaštite FBiH definisano je da federalne ustanove socijalne zaštite vode finansijsko poslovanje, odnosno finansijsko izvještavanje i poslovne knjige po analitičkom kontnom planu za budžet i budžetske korisnike Federacije. Međutim, članom 2. tačka 55. Zakona o budžetima u FBiH ustanove su definisane kao vanbudžetski korisnici, dok je članom 75. istog Zakona propisano da budžetsko računovodstvo primjenjuju budžetski korisnici i vanbudžetski fondovi. Navedeno ukazuje na neusklađenost propisa u dijelu koji se odnosi na primjenu budžetskog računovodstva i finansijskog izvještavanja za ustanove socijalne zaštite, zbog čega nije jasno definisan primjenjivi okvir finansijskog izvještavanja za ove ustanove. Nijednim drugim zakonom nije propisan okvir finansijskog izvještavanja za ustanove socijalne zaštite. Ova problematika detaljnije je opisana u Izvještaju o obustavi finansijske revizije ustanova socijalne zaštite FBiH za 2025. godinu.¹⁸

6. PLANIRANJE I IZVJEŠTAVANJE

6.1 Izrada i donošenje budžeta i plana rada

Budžetom FBiH za 2025. godinu¹⁹ Ministarstvu su odobrena sredstva u iznosu od 592.181.529 KM, koja se odnose na: tekuće transfere i druge tekuće rashode (578.230.386 KM ili 98%), kapitalne transfere (7.000.000 KM), bruto plaće i naknade troškova zaposlenih (4.382.236 KM), izdatke za materijal, sitan inventar i usluge (1.750.107 KM), izdatke za nabavku stalnih sredstava (410.000 KM) i doprinose poslodavca (408.800 KM).

¹⁸ https://www.vriifbih.ba/wp-content/uploads/2026/02/BOS_FR-2025_USZ_FBIH_Izvjestaj_o_obustavi_fin_rev_%E2%80%93SR.pdf

¹⁹ „Sl. novine FBiH“, br. 7/25



Ministarstvo je donijelo godišnji i trogodišnji plan rada u skladu s Uredbom o trogodišnjem i godišnjem planiranju rada, monitoringu i izvještavanju u FBiH i dostavilo Federalnom zavodu za programiranje razvoja.

Internom preraspodjelom od 14. 11. 2025. godine umanjena su sredstva u ukupnom iznosu od 9.284.777 KM (najznačajnije umanjene sredstava je na poziciji Kapitalni transfer neprofitnim organizacijama – Ustanove za zbrinjavanje na nivou FBiH 3.000.000 KM; Tekući transfer neprofitnim organizacijama – transfer za sufinansiranje rada, programa i projekata socijalne zaštite 1.350.000 KM; Tekući transfer drugim nivoima vlasti - provedba Zakona o roditeljima i njegovateljima u FBiH 1.801.883 KM), a povećanja sredstava u ukupnom iznosu od 9.284.777 KM (najznačajnija povećanja sredstava su poziciji: Tekući transfer pojedincima - Zakon o podršci porodicama sa djecom u FBiH 8.497.777 KM i Tekući transfer – civilnim žrtvama rata 520.000 KM).

Na osnovu dvije odluke Vlade FBiH tokom 2025. godine o preraspodjeli sredstava iz Budžeta za 2025. godinu i dvije odluke Vlade FBiH o odobravanju raspoređivanja sredstava iznad iznosa planiranog Budžetom Ministarstva za 2025. godinu, uvećana su sredstva Ministarstvu u ukupnom iznosu od 42.873.820 KM. Najznačajnije povećanje sredstava je na Tekućem transferu - Zakon o podršci obitelji sa djecom u FBiH 42.445.755 KM.²⁰ Pored toga, Odlukom Vlade FBiH o preraspodjeli sredstava iz Budžeta FBiH za 2025. godinu od 23. 12. 2025. godine umanjena su sredstva Ministarstvu za iznos od 54.000 KM (ugovorene i druge posebne usluge – izmirenje sudskih presuda rješenja o izvršenju 4.000 KM i drugi tekući rashodi – izmirenje sudskih presuda i rješenja o izvršenju 50.000 KM).

Na osnovu ovih pet odluka Vlade FBiH o preraspodjeli sredstava i raspoređivanju sredstava iz Budžeta za 2025. godinu, te jedne interne preraspodjele, ukupno raspoloživa sredstva Ministarstva za 2025. godinu iznosila su 635.001.349 KM.

Revizijom je konstatovano da je Ministarstvo prilikom planiranja budžeta za Tekući transfer o provedbi Zakona o zaštiti od nasilja u porodici za 2025. godinu, planiralo iznos od 500.000 KM za Javnu ustanovu Centar za socijalni rad Ljubuški (Segment 2) za osiguranje socijalnog zbrinjavanja i socijalne podrške žrtvama porodičnog nasilja kroz opremanje sigurne kuće na području Zapadnohercegovačkog kantona. Navedena sredstva za kapitalna ulaganja nisu planirana niti odobrena na odgovarajućoj poziciji (kapitalni transferi), s obzirom na to da ova ulaganja imaju karakter kapitalnih, a ne tekućih transfera. Sredstva za navedeni Segment 2 nisu realizovana, jer su internom preraspodjelom iz novembra 2025. godine sredstva na Tekućem transferu o provedbi Zakona o zaštiti od nasilja u porodici umanjena za 500.000 KM.

6.2 Izvještavanje

Izvještaj o radu za 2025. godinu Ministarstvo je dostavilo Federalnom zavodu za programiranje razvoja u skladu s Uredbom o trogodišnjem i godišnjem planiranju rada, monitoringu i izvještavanju u Federaciji BiH.²¹

7. FINANSIJSKI IZVJEŠTAJI

Ministarstvo je sačinilo Godišnje finansijske izvještaje i dostavilo ih nadležnim organima i institucijama u skladu s važećim propisima i u utvrđenom roku.

U Analizi iskaza, sačinjenoj uz godišnje računovodstvene izvještaje, obrazloženo je izvršenje budžeta. Međutim, nisu obrazložena pojedinačna stanja sumnjivih i spornih potraživanja, niti su obrazložene planirane aktivnosti i način njihovog rješavanja kako je propisano članom 23. stav 5. Zakona o računovodstvu i reviziji u FBiH. U okviru Analize je navedeno da su u evidencijama sumnjivih i spornih potraživanja navedeni svi korisnici po imenu i prezimenu, datumu utvrđene obaveze i poduzetim aktivnostima na naplati potraživanja,

²⁰ Budžetom za 2025. godinu su odobrena sredstva na ovoj poziciji u iznosu od 166.000.000 KM za provedbu Zakona o materijalnoj podršci porodicama sa djecom u FBiH. Odlukom Vlade FBiH o iznosu najniže plate za 2025. godinu od 30. 12. 2024 godine, minimalna plaća je povećana s dosadašnjih 619 KM na 1.000 KM. U skladu sa tim, visina dječijeg dodatka koji prema Zakonu o materijalnoj podršci porodicama sa djecom u FBiH iznosi 19% minimalne plate, povećana je sa 117 KM na 190 KM što je dovelo do značajnog povećanja fiskalnih potreba za provedbu Zakona o podršci obitelji sa djecom u FBiH.

²¹ „Sl. novine FBiH“, br. 74/19, 2/21



kao i da su u Elaboratu popisne komisije navedene preporuke o poduzimanju daljih aktivnosti vezanih za sumnjiva i sporna potraživanja.

Periodični izvještaji sačinjeni su i dostavljeni u skladu s Pravilnikom o finansijskom izvještavanju i godišnjem obračunu budžeta u FBiH.

Također, godišnji obračun i periodični izvještaji sačinjeni su i dostavljeni i za Poseban transakcijski račun – namjenski podračun u okviru JRT-a „Polaganje stručnih ispita“, u skladu s Pravilnikom o finansijskom izvještavanju i godišnjem obračunu budžeta u FBiH.

Preporuka:

- ***Analizu iskaza sačinjavati na način propisan Pravilnikom o finansijskom izvještavanju i godišnjem obračunu budžeta u FBiH.***

7.1 GODIŠNJI IZVJEŠTAJ O IZVRŠENJU BUDŽETA

7.1.1 Prihodi i primici

Prihodi i primici su u Godišnjem izvještaju o izvršenju budžeta iskazani u iznosu od 42.479 KM i u cijelosti se odnose na neporezne prihode ostvarene po osnovu organizovanja polaganja stručnih ispita iz oblasti zaštite na radu. Ukupno ostvareni prihodi u 2025. godini po osnovu uplata kandidata u svrhu polaganja ispita iznose 72.106 KM. U izvještajnom periodu iskazani su rashodi u iznosu od 42.479 KM, a neutrošena sredstva u iznosu od 29.627 KM prenesena su na razgraničenja, u skladu s propisima.

7.1.2 Rashodi, izdaci i finansiranje

U Godišnjem izvještaju o izvršenju budžeta za 2025. godinu iskazani su rashodi i izdaci u iznosu od 632.965.894 KM, što je za 99,68% u odnosu na planiranih 635.001.349 KM (detaljnije obrazloženo u tački 6. Izvještaja).

7.1.2.1 Plaće i naknade troškova zaposlenih

Bruto plaće i naknade plaća iskazane su u iznosu od 3.430.894 KM. Uvidom u obračun i isplatu plaća i naknada plaća za januar, april, septembar i decembar konstatovano je da je obračun plaća i naknada plaća izvršen u skladu sa zakonskim i podzakonskim propisima, te internim aktima Ministarstva.

Ocjenjivanje zaposlenika izvršeno je blagovremeno u skladu sa Zakonom o državnoj službi u FBiH,²² Zakonom o namještenicima u organima državne službe u FBiH²³ i Pravilnikom o ocjenjivanju rada državnih službenika u organima državne službe u FBiH.²⁴

Uvidom u evidencije radnog vremena konstatovano je da se one vode u skladu s Pravilnikom o sadržaju i načinu vođenja evidencije o radnicima i drugim licima angažovanim na radu.

Naknade troškova zaposlenih iskazane su u iznosu od 502.574 KM, a najznačajnije su naknade za: topli obrok (263.658 KM), regres za godišnji odmor (66.435 KM), prevoz s posla i na posao (61.660 KM), pomoć u slučaju smrti (41.936 KM) i troškove smještaja dužnosnika (39.784 KM). Uvidom u odabrani revizorski uzorak za pojedine vrste naknada utvrđeno je da se obračun i isplata vrši u skladu s podzakonskim aktima koji regulišu pojedine vrste naknada.

7.1.2.2 Izdaci za materijal, sitan inventar i usluge

Izdaci za materijal, sitan inventar i usluge iskazani su u iznosu od 1.429.106 KM.

²² „Sl. novine FBiH“, br. 29/03, 23/04, 39/04, 54/04, 67/05, 8/06, 4/12 i 99/15

²³ „Sl. novine FBiH“, br. 45/09

²⁴ „Sl. novine FBiH“, br. 30/20



Izdaci za ugovorene i druge posebne usluge iskazane su u iznosu od (843.961 KM), a najvećim dijelom se odnose na ostale nespomenute usluge i dažbine (268.021 KM), izdatke za usluge Instituta za medicinsko vještačenje zdravstvenog stanja (163.513 KM) i izdatke za rad komisija (130.308 KM).

Izdaci za ostale nespomenute usluge i dažbine najvećim se dijelom odnose na izdatke za usluge organizacije Sajma zapošljavanja FBiH u skladu s ugovorom o javnoj nabavci koji je zaključen sa dobavljačem Mita Group d.o.o. Sarajevo nakon provedenog postupka javne nabavke (245.700 KM).

Izdaci za rad komisija najvećim se dijelom odnose na naknade komisijama za polaganje stručnog ispita za obavljanje stručnih poslova iz oblasti zaštite na radu i komisije za polaganje stručnog ispita za radnika za zaštitu na radu (34.484 KM) i na komisije koje su imenovane u skladu s Uredbom o načinu osnivanja i utvrđivanju visine naknade za rad radnih tijela osnovanih od strane Vlade FBiH i rukovodilaca federalnih organa državne službe²⁵ (88.474 KM) kao što su interresorne grupe Vlade FBiH, komisija za davanje stručnog mišljenja radi utvrđivanja statusa posebne kategorije civilnih žrtava rata, komisija za provođenje javnog oglasa za popunu upražnjenog radnog mjesta i druge. Uvidom u dokumentaciju uzetu u uzorak vezano za formiranje, rad i isplatu naknada članovima komisija konstatovano je da su oni vršeni u skladu s Uredbom.

Obračun naknada članovima komisija koji su zaposleni u Ministarstvu nije imao tretman prihoda od nesamostalne djelatnosti kako je propisano Zakonom o porezu na dohodak,²⁶ Pravilnikom o primjeni Zakona o porezu na dohodak,²⁷ Zakonom o doprinosima²⁸ i Pravilnikom o načinu obračunavanja i uplate doprinosa.²⁹ S obzirom na to da Federalno ministarstvo finansija nije osiguralo preduslove za obračun poreza i doprinosa u skladu s ovim propisima zbog ograničenja postojeće aplikacije za obračun plaća i naknada u Trezoru FBiH, nisu obračunati i uplaćeni propisani porez i doprinosi.

Izdaci za usluge Instituta za medicinsko vještačenje zdravstvenog stanja iskazani su u iznosu od 163.513 KM i odnose se na usluge medicinskog vještačenja po osnovu zaključenog Ugovora od 14. 9. 2022. godine. Uvidom u fakture sa izvještajima utvrđeno je da se izdaci odnose na usluge medicinskog vještačenja neratnih invalida u II stepenu i da se fakturišu u skladu sa zaključenim Ugovorom i Cjenovnikom usluga medicinskog vještačenja.³⁰

U okviru **izdataka za tekuće održavanje** koji iznose 332.934 KM iskazane su usluge održavanja opreme u vrijednosti od 296.300 KM koje se najvećim dijelom odnose na održavanje informacionog sistema SOTAC (199.227 KM). Troškovi održavanja informacionog sistema SOTAC nastali su u skladu s fakturama i zaključenim ugovorima sa društvom „COMP-IT“ d.o.o. Sarajevo nakon provedenog postupka javne nabavke.

7.1.2.3 Tekući transferi i drugi tekući rashodi

Tekući transferi i drugi tekući rashodi u Godišnjem izvještaju o izvršenju budžeta iskazani su u iznosu od 623.163.856 KM, što je ostvarenje od 99,87% u donosu na planirano.

U okviru tekućih transfera pojedincima i drugim nivoima vlasti najvećim dijelom su transferi civilnim žrtvama rata, osobama sa invaliditetom, roditeljima njegovateljima, te transfer za dječiji dodatak. Ovi transferi se odnose na isplate po posebnim zakonskim propisima, a regulisani su Zakonom o osnovama socijalne zaštite, zaštite civilnih žrtava rata i zaštite porodice s djecom,³¹ Zakonom o roditeljima njegovateljima u FBiH i Zakonom o materijalnoj podršci porodice s djecom u FBiH. Realizacija ostalih tekućih transfera regulisana je Zakonom o izvršavanju Budžeta FBiH za 2025. godinu, odnosno programima utroška sredstava tekućih transfera koje je usvojila Vlada FBiH.

²⁵ „Sl. novine FBiH“, br. 48/14, 77/14, 97/14 i 58/15

²⁶ „Sl. novine FBiH“, br. 10/8, 9/10, 44/11, 7/13, 65/13

²⁷ „Sl. novine FBiH“, br. 48/21, 77/21, 20/22, 57/22, 05/23, 85/23, 97/23, 36/24, 57/24 i 101/24

²⁸ „Sl. novine FBiH“, br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21 i 06/23

²⁹ „Sl. novine FBiH“, br. 64/08; 81/08, 98/15, 6/17, 38/17, 39/18, 12/21, 06/22 i 19/23

³⁰ „Sl. novine FBiH“, br. 64/22

³¹ „Sl. novine FBiH“, br. 36/99, 54/04, 39/06, 14/09, 45/16, 40/18 i 16/23

Pregled odobrenih i realizovanih tekućih transfera dat je u tabeli:

u KM

Red. broj	Naziv transfera	Budžet za 2025. godinu	Interne i eksterne preraspodjele sredstava	Ukupno Budžet nakon prerasp. sred.	Realizovano u 2025. godini	Realizovano u 2024. godini	Izvršenje 6/(5)*100
1	2	3	4	5	6	5	7
	I Tekući transferi drugim nivoima vlasti	96.568.493	-2.479.256	94.089.237	93.767.958	46.436.090	100
1	Transfer civilnim žrtvama rata	26.000.000	520.000	26.520.000	26.404.090	25.192.662	100
2	Provedba Zakona o roditeljima njegovateljima u FBiH	39.000.000	-1.801.884	37.198.116	36.992.747	20.236.086	99
3	Transfer za provođenje federalnih zakona socijalne zaštite i dječije zaštite i osoba sa invaliditetom	2.700.000	-1.408.108	1.291.892	1.291.892	999.865	100
4	Transfer za realiz. aktivnosti predviđenih Uredbom o primjeni odg. prep. prema. malolj. u FBiH	20.000	-17.329	2.671	2.671	7.477	100
5	Projekat za zapošljavanja	28.848.493	228.065	29.076.558	29.076.558	0	100
	II Tekući transferi pojedincima	466.405.893	51.081.590	517.487.483	516.997.525	391.206.998	100
8	Transfer za lica sa invaliditetom – neratni invalidi	285.000.000	260.000	285.260.000	284.933.889	263.559.581	100
9	Zakon o materijalnoj podršci porodice s djecom u FBiH	166.000.000	50.943.532	216.943.532	216.786.466	113.147.417	100
10	Jednokratna novčana pomoć za novorođeno dijete	15.000.000	0	15.000.000	14.999.000	14.500.000	100
11	Naknade članovima nadzornih i upravnih odbora ustanova	405.893	-121.942	283.951	278.170		98
	III Tekući transferi neprofitnim organizacijama	15.060.000	-2.778.514	12.281.486	12.256.076	8.579.920	100
11	Provedba Zakona o zaštiti od nasilja u porodici	1.500.000	-500.000	1.000.000	1.000.000	1.500.000	100
12	Dječija nedjelja	200.000	0	200.000	200.000	150.000	100
13	Transfer za organizacije civilnih invalida	650.000	-15.407	634.593	634.593	647.500	100
14	Ekonomsko socijalno vijeće	150.000	0	150.000	150.000	150.000	100
15	Crveni krst/križ Federacije BiH	830.000	0	830.000	830.000	660.000	100
16	Sufinansiranje rada ustanova socijalne zaštite za zbrinjavanje na nivou FBiH	2.000.000	0	2.000.000	2.000.000	2.338.268	100
	Institut za medicinsko vještačenje zdravstvenog stanja	2.840.000	-688.888	2.151.112	2.151.112	0	100
	Pomoć penzionerima za liječenje preko udruga	2.600.000	-126.585	2.473.415	2.448.005	0	99
17	Transfer za finansiranje i rad udruženja penzionera na nivou FBiH-član 125. Zakona PIO/MIO	140.000	0	140.000	140.000	120.000	100
18	Strategija za unapređenje prava i položaja osoba sa invaliditetom u FBiH 2022.-2027. godina	50.000	0	50.000	50.000	19.952	100
19	Transfer za sufinansiranje rada, programa i projekata socijalne zaštite	2.000.000	-1.350.000	650.000	650.000	1.430.000	100
20	Podrška vaninstitucionalizovanim oblicima brige i zaštite	2.000.000	-92.984	1.907.016	1.907.016	1.500.000	100
21	Transfer za sufinansiranje rada, programa i projekata iz oblasti penzijsko-invalidskog osiguranja i rada i zapošljavanja	100.000	-4.650	95.350	95.350	64.200	100
	IV Subvencije javnim preduzećima	146.000	-1.000	146.000	142.297	0	97
23	RTV BiH po osnovu subvencija troškova RTV pretplate licima sa paraplegijom i licima oboljelim od dječje paralize	145.000	0	145.000	142.297	0	97
24	RTV BiH, JP Elektroprivreda BiH i JP Elektroprivreda HZHB po	1.000	-1.000	0	0	0	0



Red. broj	Naziv transfera	Budžet za 2025. godinu	Interne i eksterne preraspodjele sredstava	Ukupno Budžet nakon prerasp. sred.	Realizovano u 2025. godini	Realizovano u 2024. godini	Izvršenje 6/(5)*100
1	2	3	4	5	6	5	7
	osnovu subvencija električne energije						
	Tekući transferi (I + II + III + IV)	578.180.386	45.822.822	624.003.206	623.163.856	446.223.008	100

7.1.2.3.1. Tekući transferi drugim nivoima vlasti

Tekući transfer za provedbu federalnih zakona socijalne zaštite i dječije zaštite i osoba sa invaliditetom – Vlada FBiH donijela je Odluku o usvajanju Programa utroška sredstava sa kriterijima raspodjele sredstava za ovaj transfer u iznosu od 1.000.000 KM. Ovaj Program je podijeljen u dva segmenta. Svrha Segmenta 1 (300.000 KM) je finansijska podrška kroz podmirenje uvećanih materijalnih troškova nastalih provođenjem postupaka i aktivnosti utvrđenih federalnim propisima iz oblasti socijalne i dječije zaštite i osoba s invaliditetom. Segment 2 (1.400.000 KM) za svrhu ima jačanje kadrovskih kapaciteta prvostepenih organa (centara za socijalni rad) koje provode postupke i aktivnosti utvrđene federalnim propisima. Programom su definisani opći i posebni kriteriji za raspodjelu sredstava za oba segmenta.

Ministar je donio 19. 8. 2025. godine Odluku o raspodjeli sredstava za Segment 1, kojom je utvrđeno da se primjenom formule za raspodjelu sredstava, sredstava raspoređuju na ukupno 89 korisnika (centri za socijalni rad i općinske/gradske službe nadležne za poslove socijalne zaštite). Ovom Odlukom je utvrđeno da izuzetak od načina raspodjele primjenom formule, čine korisnici koji po posebnim kriterijima imaju od 1-370 korisnika i izdatih rješenja, te im se dodjeljuje iznos od 500 KM (13 centara za socijalni rad). Zaključenim ugovorima sa korisnicima taksativno su navedeni troškovi koji se mogu izmirivati ovim sredstvima (troškovi telefonskih usluga, interneta, električne energije i drugo), te je definisana obaveza korisnika da dostave izvještaj sa kompletnom dokumentacijom kojom se dokazuje namjenski utrošak sredstava, najkasnije do 15. 1. naredne godine.

Ministarstvo je 29. 5. 2025. godine uputilo poziv za apliciranje za dodjelu sredstava u okviru Segmenta 2, koji je dostavljen za 58 centara za socijalni rad. Ovim pozivom je definisano da će Ministarstvo finansijski podržati radni angažman stručnih zaposlenika u zagarantiranom minimalnom iznosu od 11.000 KM, dok se preostala sredstva raspodjeljuju u skladu s rezultatima ocjenjivanja posebnih kriterija u skladu s bodovnom šemom. Na poziv se prijavio 41 centar za socijalni rad, od čega je njih 38 ispunilo formalne uslove za dodjelu sredstava. Nakon toga, ministar je donio Odluku o raspodjeli sredstava 8. 8. 2025,³² nakon čega su zaključeni ugovori sa 38 centara na period do 31. 12. 2025. godine. Ugovorima je definisano da je korisnik dužan Ministarstvu dostavljati kvartalne izvještaje najkasnije u roku od 15 dana po završetku svakog kvartala, kao i konačni izvještaj najkasnije do 15. 1. naredne godine uz dokaze o isplati plaća. Uvidom u odabrani uzorak korisnika Segmenta 1 i 2 konstatovano je da su sredstva utrošena u skladu s Odlukom o raspodjeli sredstava, a izvještaji su dostavljeni u skladu s potpisanim ugovorima.

Sredstva za provedbu Zakona o roditeljima njegovateljima u FBiH realizovana su u iznosu od 36.992.747 KM. Način ostvarivanja ovog prava detaljnije je obrazložen u tački 5.2.1 Izvještaja. Ministarstvo vrši evidentiranje u Glavnoj knjizi na osnovu zahtjeva prvostepenog organa - centra za socijalni rad, koji vrši i prijavu korisnika u Jedinstveni sistem registracije, kontrole i obračuna doprinosa i uplatu sredstava na račune krajnjih korisnika. Zahtjevi se sačinjavaju i dostavljaju na mjesečnom nivou, a uz njih se prilaže Rekapitulacija za priznavanje prava – Pravo na novčanu naknadu roditelja njegovatelja, te obrazac 2001 – Specifikacija uz isplatu plaća zaposlenika u radnom odnosu kod pravnih i fizičkih lica. Na osnovu ovih zahtjeva, Sektor za socijalnu zaštitu i zaštitu porodice i djece sačinjava Pregled potrebnih sredstava za isplatu prava roditeljima njegovateljima. Roditelji koji su uvedeni u pravo kao roditelji njegovatelji, od dana uvođenja u to pravo, dužni su u skladu sa Zakonom izvršiti povrat sredstava (dodatak na njegu) koju su ostvarivali po Zakonu o osnovama socijalne zaštite, zaštite

³² Odluka o izmjeni ove odluke je donesena 9. 9. 2025.

civilnih žrtava rata i porodice s djecom. Ministarstvo nakon obavljene revizije rješenja prvostepenog organa dostavlja obavijest o okončanoj reviziji i obavijest o obavezi povrata sredstva.

7.1.2.3.2. Tekući transferi pojedincima

Tekući transfer pojedincima - Zakon o materijalnoj podršci porodicama s djecom u FBiH realizovan je u iznosu od 216.786.466 KM, a odnosi se na isplate dječijeg dodatka u skladu sa Zakonom o materijalnoj podršci porodicama s djecom u FBiH.³³ Zakonom o materijalnoj podršci porodicama s djecom u FBiH definisani su uslovi za ostvarivanje prava na dječji dodatak, te da visina dječijeg dodatka iznosi 19% najniže plate u FBiH utvrđene u skladu s odredbama Zakona o radu. Ministar je donio Pravilnik o potrebnoj dokumentaciji za ostvarivanje prava na dječji dodatak.³⁴ U odnosu na prethodnu godinu kada je realizacija ovog transfera iznosila 113.147.417 KM, u 2025. su ova sredstva realizovana u znatno većem iznosu zbog porasta minimalne plaće. Naime, Odlukom Vlade FBiH V. broj 2056/204 od 30. 12. 2024. minimalna plaća u FBiH iznosi neto 1.000 KM, u odnosu na 619 KM koliko je iznosila u 2024. godini, što je za posljedicu imalo povećanje dječjeg dodatka sa 117,61 KM na 190 KM.

Iznos naknade utvrđuje nadležni centar za socijalni rad, odnosno općinska služba socijalne zaštite rješenjem, prema mjestu prebivališta djeteta, te vrši praćenje ispunjavanja uslova u za ostvarivanje prava. Ministarstvo odlučuje o žalbama protiv odluka donesenih u prvom stepenu. Sektor za socijalnu zaštitu i zaštitu porodice i djece zaključuje spiskove za isplatu dječjeg dodatka za prethodni mjesec.

Kroz jedinstvenu elektronsku bazu podataka SOTAC zaključuju se samo pravosnažna prvostepena rješenja. Nadležni centri za socijalni rad kroz službe socijalne zaštite dužni su da iskontrolišu zaključene liste kroz SOTAC bazu podataka, te potpisane i ovjerene zajedno s pravosnažnim rješenjima dostave u Ministarstvo. Isplata korisnicima sredstava vrši se nakon što nadležni sektor uporedi dostavljene spiskove/izvještaje iz SOTAC baze sa pravosnažnim rješenjima. Evidentiranje u Glavnoj knjizi vrši se na osnovu Rekapitulacije isplata po bankama iz podataka SOTAC baze, koje se kontrolišu i ovjeravaju u Ministarstvu, čime se potvrđuje opravdanost nastale obaveze. U slučaju da se utvrdi osnov za povrat sredstava, u skladu sa članom 16. Zakona o materijalnoj podršci porodicama s djecom u Federaciji BiH nadležni centri za socijalni rad, odnosno službe socijalne zaštite donose rješenje o prestanku prava, te ukoliko su izvršene isplate nakon prestanka prava, korisnik je obavezan da vrati neosnovano primljeni iznos. Uvidom u odabrani uzorak, konstatovano je da su se kontrola, isplata i povrat dječjeg dodatka vršili u skladu sa zakonskim i podzakonskim propisima.

Tekući transfer pojedincima „Jednokratna novčana pomoć za novorođeno dijete – realizovan je u iznosu od 14.999.000 KM. Svrha ovog programa je materijalno osnaživanje porodica na području FBiH koje su tokom 2025. ostvarile potomstvo. U vezi s ovim transferom, Vlada FBiH donijela je Uredbu o isplati novčane pomoći porodiljama za novorođeno dijete u FBiH,³⁵ kojom je definisano da novčana pomoć za novorođeno dijete iznosi 1.000 KM, jednokratno. U skladu s Uredbom, zahtjev za odobrenje novčane pomoći korisnici su podnosili kroz elektronsku aplikaciju koja je dostupna na službenoj web stranici Ministarstva, a provjeru unesenih podataka Ministarstvo je vršilo kroz službene baze podataka Agencije za identifikacijske isprave, evidenciju i razmjenu podataka Bosne i Hercegovine.

7.1.2.3.3. Tekući transferi neprofitnim organizacijama

Transfer za provedbu Zakona o zaštiti od nasilja u porodici (1.000.000 KM) realizovan je na osnovu Programa utroška sredstava sa kriterijima raspodjele sredstava tekućih transfera, koji je Vlada FBiH usvojila Odlukom od 27. 3. 2025. godine. Programom su planirana sredstva u ukupnom iznosu 1.500.000 KM za Segment 1 (1.000.000 KM) i za Segment 2 (500.000 KM). Zakonom o zaštiti od nasilja u porodici regulisano je da su policija i organ starateljstva dužni, uz prethodni pristanak žrtve, privremeno zbrinuti žrtvu nasilja u porodici u sigurnu kuću/sklonište (u trajanju najduže do šest mjeseci), radi osiguranja fizičke zaštite i ostvarivanja prava i interesa žrtve nasilja u porodici, bez straha

³³ „Sl. novine FBiH“, br. 52/22 i 58/24

³⁴ „Sl. novine FBiH“, br. 71/24

³⁵ „Sl. novine FBiH“, br. 36/24 i 24/25



i opasnosti po život. Sredstva za finansiranje privremenog zbrinjavanja žrtve nasilja u sigurnoj kući osiguravaju se 70% iz Budžeta FBiH i 30% iz budžeta kantona.

Programom utroška sredstava utvrđena je svrha, korisnici, opći i posebni kriteriji za raspodjelu sredstava koja se vrši putem javnog poziva. Utvrđena je svrha Programa za Segment 1 – Osiguranje socijalnog zbrinjavanja i socijalne podrške žrtvama porodičnog nasilja u pet sigurnih kuća na području FBiH kroz sufinansiranje troškova njihovog rada i poslovanja i za Segment 2. – Osiguranje socijalnog zbrinjavanja i socijalne podrške žrtvama porodičnog nasilja kroz opremanje sigurne kuće na području Zapadnohercegovačkog kantona (Javna ustanova Centar za socijalni rad Ljubuški).

Javni poziv je objavljen u aprilu za Segment 1, kada je imenovana i Komisija za provedbu postupka dodjele sredstava. Nakon izvršenog bodovanja, Odlukom o raspodjeli dijela sredstava s pozicije ovog tekućeg transfera od 2. 6. 2025. godine, sredstva ovog transfera su raspoređena u skladu sa općim i posebnim kriterijima Fondaciji lokalne demokratije Sarajevo (247.571 KM), Udruženju „Vive žene“ Tuzla (228.114 KM), Udruženju „Medica“ Zenica (206.688 KM), Udruženju „Žene sa Une“ Bihać (187.627 KM) i Udruženju „Žena BiH“ Mostar (130.000 KM).

Od ukupno planiranog iznosa ovog tekućeg transfera (1.500.000 KM), za preostali iznos od 500.000 KM koji je izdvojen za Javnu ustanovu Centar za socijalni rad Ljubuški (Segment 2) nije raspisan javni poziv za raspodjelu sredstava niti su sredstva realizovana. Naime, internom preraspodjelom na osnovu Rješenja Federalnog ministarstva finansija od 14. 11. 2025. umanjen je navedeni transfer za 500.000 KM i ukupno raspoloživa sredstva za ovaj tekući transfer iznose 1.000.000 KM, koliko je i realizovano na datum bilansa.

Transfer Institutu za medicinsko vještačenje zdravstvenog stanja realizovan je u iznosu 2.151.112 KM. Odlukom o usvajanju Programa utroška sredstava s kriterijima raspodjele sredstava s pozicije Tekući transfer neprofitnim organizacijama – Institut za medicinsko vještačenje zdravstvenog stanja za 2025. godinu od 27. 2. 2025. godine odobrena su sredstva u ukupnom iznosu od 2.840.000 KM. Internom preraspodjelom na osnovu Rješenja Federalnog ministarstva finansija od 14. 11. 2025. godine sredstva su umanjena za 688.888 KM, te su po ovom programu ukupno raspoloživa sredstva iznosila 2.151.112 KM. Programom je definisana podrška radu Instituta za medicinsko vještačenje zdravstvenog stanja kroz sufinansiranje/refundaciju dijela isplata po osnovu donesenih pravosnažnih sudskih presuda, te za sufinansiranje tekućih poslova s ciljem osiguranja tekuće likvidnosti Instituta tj. neometanog i redovnog funkcionisanja Instituta. Odobrena sredstva se odnose na refundaciju troškova za isplatu sredstava po presudi Kantonalnog suda u Sarajevu od 22. 5. 2024. godine kojom je odbijena žalba Instituta i potvrđena pravosudna presuda Općinskog suda u Sarajevu od 22. 4. 2022. godine. Institut za medicinsko vještačenje zdravstvenog stanja ovom presudom je u obavezi Kliničkom centru Univerziteta u Sarajevu isplatiti iznos na ime naknade za upotrebu tuđe stvari (iznos glavnice sa zakonskom zateznom kamatom i troškovima parničnog postupka). U toku 2024. godine zaključen je Sporazum o načinu otplate duga u ratama između Instituta i Kliničkog centra Univerziteta u Sarajevu po ovoj sudskoj presudi u iznosu od 2.151.112 KM.

Odluka o dodjeli sredstava donesena je 3. 3. 2025. godine, a 26. 3. 2025. zaključen je Ugovor o saradnji, korištenju i načinu utroška odobrenih sredstava. Ugovorom je predviđeno da su sredstva namijenjena za podmirivanje sljedećih troškova: podrška radu Instituta kroz sufinansiranje/refundaciju dijela isplata po osnovu donesenih sudskih presuda i za sufinansiranje prihvatljivih troškova (režijski troškovi) nastalih obavljanjem tekućih poslova s ciljem osiguranja tekuće likvidnosti Instituta. Utvrđeno je obavezno kvartalno i završno narativno i finansijsko izvještavanje. Institut je dostavljao kvartalne izvještaje tokom 2025. godine. Iz prezentirane dokumentacije konstatovano je da su ukupna sredstva po ovom transferu u iznosu od 2.151.111 KM utrošena od strane Instituta za izmirenje dospjelih obaveza po pravomoćnoj sudskoj presudi.

Tekući transfer za organizacije civilnih invalida realizovan je u iznosu od 634.593 KM, na osnovu Programa utroška sredstava sa kriterijima raspodjele sredstava tekućih transfera, koji je Vlada FBiH usvojila Odlukom od 27. 3. 2025. godine. Svrha je stvaranje uslova za funkcionisanje saveza/udruženja osoba sa invaliditetom i civilnih žrtava rata, u cilju njihovog osnaživanja u zastupanju interesa ove populacije. Programom su definisani opći i posebni kriteriji za dodjelu sredstava, lista dokumentacije kojom se dokazuje ispunjenost posebnih kriterija, kao i prihvatljivi troškovi. Javni poziv za realizaciju transfera objavljen je 9. 4. 2025. godine, a blagovremeno je zaprimljeno 13 formalno ispravnih prijava,



dok su dvije prijave odbačene kao nepotpune. Ministar je 11. 6. 2025. donio pojedinačne odluku o dodjeli sredstava, nakon čega su zaključeni ugovori u kojim su taksativno navedeni troškovi za pravdanje namjenskog utroška sredstava (plaće i naknade plaća; režijski troškovi; troškovi kancelarijskog materijala; usluge sitnih popravki i drugi troškovi), kao i obavezno kvartalno i završno narativno i finansijsko izvještavanje. Provedenom revizijom konstatovano je da su korisnici sredstava dostavili izvještaje o namjenskom utrošku sredstava. Prema izvještaju o realizaciji i efektima ovog transfera od 6. 3. 2026, svi korisnici su blagovremeno dostavili izvještaje sa potrebnom dokumentacijom.

7.1.2.3.3. Subvencije javnim preduzećima

Subvencije javnim preduzećima odnosi se na plaćanje RTV pretplate. Odlukom Vlade FBiH³⁶ lica sa paraplegijom i lica oboljela od dječije paralize oslobođena su plaćanja RTV pretplate, a za sprovođenje ove odluke nadležno je Ministarstvo. Plaćanje se vrši na osnovu mjesečnih faktura RTV BiH na kojima je naznačen broj lica za koje se vrši uplata. Međutim, kao i prethodnih godina, ne postoji kontrola utvrđenog broja lica za koje se plaća ova pretplata i zbog toga nije moguće izvršiti detaljnu kontrolu i potvrditi visinu nastalog izdatka. Odluka Vlade FBiH o oslobađanju plaćanja RTV pretplate za lica sa paraplegijom i lica oboljelih od dječije paralize privremenog je karaktera i trebala se primjenjivati do donošenja propisa o oslobađanju od plaćanja RTV pretplate određenih kategorija stanovništva. S obzirom da taj propis nije donesen, i dalje je u primjeni navedena Odluka.

7.1.2.4 Kapitalni transferi

Kapitalni transferi u Godišnjem izvještaju o izvršenju budžeta iskazani su u iznosu od 3.850.000 KM, a planirani u iznosu od 7.000.000 KM. Prvobitno planirana sredstva su se odnosila na: kapitalni transfer za Ustanove za zbrinjavanje na nivou FBiH 3.000.000 KM; kapitalni transfer-sufinansiranje projekata iz oblasti socijalne zaštite 2.000.000 KM i kapitalni transfer- sufinansiranje projekata za centre za socijalni rad i javne ustanove socijalne zaštite 2.000.000 KM. Internom preraspodjelom na osnovu Rješenja Federalnog ministarstva finansija od 14. 11. 2025. godine umanjena su sredstva na kapitalnom transferu za Ustanove za zbrinjavanje na nivou FBiH za 3.000.000 KM i na kapitalnom transferu- sufinansiranje projekata za centre za socijalni rad i javne ustanove socijalne zaštite za 150.000 KM, što čini ukupno raspoloživa sredstva za kapitalne transfere u ukupnom iznosu od 3.850.000 KM.

Kapitalni transfer neprofitnim organizacijama – Sufinansiranje projekata iz oblasti socijalne zaštite realizovan je u iznosu od 2.000.000 KM prema Programu utroška sredstava sa kriterijima raspodjele sredstava kapitalnih transfera, koji je Vlada FBiH usvojila Odlukom od 11. 4. 2025. godine.

Svrha Programa je stvaranje pretpostavki za pružanje kvalitetnijih usluga i poboljšanje radnih uslova u minimalno 10 neprofitnih organizacija koje se bave socijalnim zbrinjavanjem i socijalnom podrškom licima u stanju potrebe kroz sufinansiranje nabavke stalnih sredstava, investicijska ulaganja u postojeće objekte i investicijska ulaganja u gradnju novih objekata. Programom utroška sredstava definisani su opći i posebni kriteriji za raspodjelu, a dodjela je vršena za tri kategorije: za nabavku stalnih sredstava, investiciona ulaganja u postojeće objekte i investiciona ulaganja u gradnju novih objekata.

Iz prezentirane dokumentacije konstatovano je da je Ministarstvo u junu raspisalo Javni poziv za dodjelu sredstava. Komisija za provedbu postupka pregledanja i ocjenjivanja prijava za dodjelu sredstava koja je imenovana 6. 8. 2025. godine, izvršila je bodovanje i sačinila prijedlog liste korisnika sredstava. Ministar je donio Odluku o raspodjeli sredstava sa pozicije kapitalnog transfera – sufinansiranje projekata u oblasti socijalne zaštite 28. 10. 2025. godine kojom su sredstva raspoređena na 11 neprofitnih organizacija u kategoriji koja se odnosi na nabavku stalnih sredstava u ukupnom iznosu od 289.356 KM i 15 neprofitnih organizacija u kategoriji koja se odnosi na investicijska ulaganja u postojeće objekte u ukupnom iznosu od 1.710.644 KM.

Sa odabranim korisnicima zaključeni su ugovori o saradnji, korištenju i načinu utroška odobrenih

³⁶ „Sl. novine FBiH“, br. 29/00, 58/08, 101/18



budžetskih sredstava u novembru 2025. godine. U skladu s Programom, korisnici sredstava imaju obavezu da dostavljaju kvartalne izvještaje o utrošku sredstava i to najkasnije 15 dana nakon završetka kvartala i završni izvještaj s potpunom dokumentacijom koja dokazuje namjenski utrošak sredstava, bez finalnog roka za realizaciju.

Po ovom transferu još uvijek nije izvršena uplata sredstava od strane Federalnog ministarstva finansija, tako da nema izvještaja o utrošku sredstava od strane neprofitnih organizacija što je bila obaveza po zaključenim ugovorima.

Kapitalni transfer drugim nivoima vlasti i fondovima – Sufinansiranje projekata za centre za socijalni rad i javne ustanove socijalne zaštite iskazan je u iznosu od 2.000.000 KM, a internom preraspodjelom od 14. 11. 2025. sredstva su umanjena za 150.000 KM. Ovaj transfer je realizovan po osnovu Odluke o usvajanju Programa utroška sredstava s kriterijima raspodjele sredstava „Kapitalni transferi drugim nivoima vlasti i fondovima – Sufinansiranje projekata za centre za socijalni rad i javne ustanove socijalne zaštite“³⁷ utvrđenog Budžetom FBiH za 2025. godinu. Ovaj Program ima dva segmenta. Svrha Segmenta 1 je stvaranje pretpostavki za pružanje kvalitetnijih usluga i poboljšanje radnih uslova u centrima za socijalni rad i javnim ustanovama socijalne zaštite (1.850.000 KM). Ovaj Segment je podijeljen u tri kategorije: nabavka stalnih sredstava; investicijska ulaganja u postojeće objekte; i investicijska ulaganja u gradnju novih objekata. Segment 2 namijenjen je Javnoj ustanovi Memorijalni centar Sarajevo (150.000 KM), a svrha je njegovanje kulture sjećanja na žrtve ratnog zločina i silovanja u BiH kroz sufinansiranje izgradnje spomenika žrtvama i muzeja stradanja. Odluke o dodjeli sredstava korisnicima donosi ministar, te se na osnovu njih zaključuju ugovori o saradnji, korištenju i načinu utroška sredstava. U skladu s Programom, korisnici sredstava imaju obavezu da dostavljaju kvartalne izvještaje o utrošku sredstava i to najkasnije 15 dana nakon završetka kvartala, kao i dostavljanje završnog izvještaja sa dokumentacijom kojom se dokazuje namjenski utrošak sredstava.

Ministarstvo je 19. 6. 2025. uputilo poziv na apliciranje za dodjelu sredstava za Segment 1 centrima za socijalni rad. Ovim pozivom su sredstva podijeljena na kategorije u sljedećim iznosima: nabavku stalnih materijalno – tehničkih sredstava 250.000 KM, pri čemu maksimalna vrijednost predloženog projekta ne može biti viša od 30.000 KM, adaptacija i uređenje postojećih objekata 600.000 KM pri čemu je maksimalna vrijednost 200.000 KM, i gradnja novih objekata 1.000.000 KM pri čemu je maksimalna vrijednost projekta 300.000 KM. Ministar je rješenjem imenovao Komisiju zaduženu za provedbu postupka ocjene formalne kvalificiranosti i ispunjenosti posebnih uslova za dodjelu sredstava. Prema izvještaju ove Komisije, na poziv se prijavilo 58 centara za socijalni rad, odnosno zaprimljeno je ukupno 60 prijave za sve tri kategorije. Komisija je ustanovila da su 34 prijave formalno ispravne, a 26 je ocijenjeno neuspješnim.³⁸ Postupajući po prigovorima, naknadno je još 9 prijave ocijenjeno uspješnim. Ministar je 28. 10. 2025. donio Odluku o raspodjeli sredstava na ukupno 43 korisnika, i to: za kategoriju 1 iznos od 451.373 KM za 29 korisnika; za kategoriju 2 iznos od 802.150 KM za 11 korisnika; i za kategoriju 3 iznos od 596.478 KM za tri korisnika. Pozivom je definisano da ukoliko na poziciji neke od kategorija predloženih aktivnosti bude preostalo neraspoređenih sredstava tada će se ista razmjerno rasporediti na pozicije drugih kategorija. S tim u vezi, u okviru kategorije investicijsko ulaganje u gradnju novih objekata je preostao neraspoređen iznos od 403.522 KM, te je dio u iznosu od 167.832 KM preusmjeren u kategoriju investicijsko ulaganje u postojeće objekte, a iznos od 107.448 KM u kategoriju nabavka stalnih sredstava. Ministarstvo je zaključilo ugovore korisnicima u novembru 2025. godine. Ugovorima je definisano da je rok za dostavljanje završnog narativnog i finansijskog izvještaja 15 dana od dana okončanja ugovornih aktivnosti, a najkasnije do 15. 7. 2026. godine. Također, ugovorima su utvrđeni prihvatljivi i neprihvatljivi troškovi. Do okončanja revizije, korisnicima nisu uplaćena dodijeljena sredstva, tako da nisu mogli ni podnositi kvartalne izvještaje kojima bi pravdali dodijeljena sredstva.

³⁷ „Sl. novine FBiH“, br. 28/25

³⁸ Prilikom ocjenjivanja posebnih kriterija, Komisija je utvrdila da je pogrešan koeficijent naveden u Bodovnoj šemi za kriterij 2, odnosno da je došlo do tehničke greške. S obzirom na to, Komisija je donijela jednoglasan stava da se bodovanje kriterija 2 vrši množenjem koeficijenta 5 sa brojem zaposlenika.



Ministar je 15. 12. 2025. godine imenovao Komisiju za kontrolu utroška sredstava sa pozicije Kapitalnog transfera neprofitnim organizacijama – sufinansiranje projekata u oblasti socijalne zaštite za 2025. godinu čiji su zadaci: sačiniti planove terenske kontrole, zapisnike o rezultatima provedene kontrole i konačan izvještaj o rezultatima kontrole utroška sredstava sa pozicije ovog kapitalnog transfera. Komisija nije provodila terenske kontrole utroška sredstava jer sredstva nisu uplaćena korisnicima po ovom kapitalnom transferu do okončanja revizije. Također, nisu provedene ni terenske kontrole utroška sredstava sa pozicije Kapitalnog transfera neprofitnim organizacijama - Sufinansiranje projekata za centre za socijalni rad i javne ustanove socijalne zaštite, jer ni za ovaj transfer nisu uplaćena sredstva korisnicima do okončanja revizije.

7.1.2.5 Nadzor nad namjenskim utroškom i evaluacija učinaka/efekata dodijeljenih budžetskih sredstava tekućih i kapitalnih transfera

Ministar je imenovao više Komisija za kontrolu namjenskog utroška sredstava tekućih i kapitalnih transfera iz Budžeta za 2024. godinu (u daljem tekstu: Komisije za nadzor za 2024. godinu). Komisije za nadzor za 2024. godinu su imale zadatke da između ostalog: vrše kontrolu namjenskog utroška sredstava odabranim korisnicima, na osnovu dostavljenih kvartalnih i konačnih izvještaja od strane korisnika; ocjenjuju namjensko korištenja odobrenih budžetskih sredstava sa posebnim fokusom na prihvatljivost ili neprihvatljivost prikazanih troškova onako kako je to definisano ugovorima o saradnji; obavljaju terenske kontrole korisnika s ciljem dodatnog verifikiranja i provjeravanja činjenica navedenih u izvještajnoj dokumentaciji i dr. Naime, prema Rješenjima o imenovanju Komisija za nadzor za 2024. godinu, komisije su dužne predlagati individualne planove terenske kontrole na posebno unificiranom obrascu, na osnovu faktora rizičnosti na osnovu kojih je se vrši odabir korisnika finansiranja koji će biti kontrolisani, te ih pravovremeno dostavljati na odobrenje Ministru, što je i učinjeno. Navedene obaveze su definisane i u Mapi poslovnih procesa Ministarstva: Proces kontrole namjenskog utroška sredstava. Za neke tekuće transfere iz Budžeta za 2024. godinu nisu imenovane komisije za kontrolu namjenskog utroška sredstava³⁹ iz razloga što su sačinjeni izvještaji o efektima tekućih transfera od strane nadležnih sektora zaduženih za provedbu tih transfera.

Komisije za nadzor za 2024. godinu su dužne sačiniti konačan izvještaj o rezultatima kontrole nad utroškom sredstava sa pozicija tekućih i kapitalnih transfera. Iz prezentiranih Izvještaja o radu Komisija za nadzor za 2024. godinu konstatovano je da većina korisnika koji su dostavili izvještaje o namjenskom utrošku sredstava transfera iz 2024. godine pravilno i namjenski korištena; veliki broj korisnika opravdao kriterije utvrđene u postupku odabira a određeni broj korisnika koji nije namjenski opravdao utrošena sredstva izvršeni su povrati sredstava. Izvršeni su povrati sredstava za sljedeće transfere: Kapitalni transfer – sufinansiranje projekata za centre za socijalni rad i javne ustanove socijalne zaštite (devet korisnika u ukupnom iznosu od 40.117 KM) ; Kapitalni transfer- Sufinansiranje projekata u oblasti socijalne zaštite (četiri korisnika u ukupnom iznosu od 33.105 KM) i Tekući transfer - Podrška vaninstitucionalnim oblicima brige i zaštite (tri korisnika u ukupnom iznosu od 12.193 KM). U okviru svakog konačnog izvještaja od strane Komisija za nadzor za 2024. godinu izvršena je evaluacija učinaka/efekata dodijeljenih budžetskih sredstava. Između ostalog, date su procjene efekata programa/projekta u odnosu na utvrđene prioritete koji su finansirani; konstatovano je da su dodijeljena sredstva ostvarila postavljene ciljeve, odnosno očekivane rezultate prema utvrđenim prioritetima; davane u preporuke za unapređenje cjelokupnih procesa planiranja, dodjele, praćenja i kontrole korištenja budžetskih sredstava.

U decembru 2025. godine Ministar je imenovao Komisije za kontrolu utroška sredstava sa pozicije tekućih i kapitalnih transfera u Budžetu za 2025. godinu. Do okončanja revizije nisu prezentirani Izvještaji o radu ovih komisija.

Smjernicama o minimalnim standardima dodjele budžetskih sredstava putem transfera i subvencija u FBiH⁴⁰ (u daljem tekstu: Smjernice) definisano je da evaluaciju učinaka/efekata dodijeljenih budžetskih sredstava provode davaoci budžetskih sredstava. Naime evaluacija učinaka/efekata, za razliku od praćenja provođenja, predstavlja postupak procjene srednjoročnih i dugoročnih efekata programa/projekta u odnosu

³⁹Tekući transfer- Crveni križ FBiH; Tekući transfer- Dječija nedelja; Tekući transfer- Institut za medicinsko vještačenje zdravstvenog stanja i dr.

⁴⁰ „Sl. novine FBiH broj 37/24“



na utvrđene prioritete koji su finansirani, s ciljem utvrđivanja da li su dodijeljena sredstva ostvarila postavljene ciljeve, odnosno očekivane rezultate prema utvrđenim prioritetima i u kojem je stepenu pojedinačni program i projekat doprinio ostvarivanju ciljeva. Članom 92. Smjernica obaveza davaoca budžetskih sredstava je da na osnovu analiza za svaki pojedinačan program utroška izradi i javno objavi zbirni izvještaj. Naime i u Mapi poslovnih procesa - Proces kontrole namjenskog utroška sredstava definisano je da Ministarstvo na osnovu sačinjenih analiza za svaki pojedinačni program utroška sredstava izrađuje i javno objavljuje zbirni izvještaj izvršenih evaluacija efekata. **Komisije za nadzor za 2024. godinu su sačinile izvještaje o radu u kojima su obuhvaćene evaluacije donesenih programa utroška sredstava za kapitalne i tekuće transfere, ali bez sačinjavanja i javnog objavljivanja zbirnog izvještaja na osnovu pojedinačnih analiza svakog programa utroška, što nije u skladu sa Smjernicama.**

Preporuka:

- **na osnovu sačinjenih analiza za svaki pojedinačni program utroška izraditi i javno objaviti zbirni izvještaj izvršenih evaluacija efekata u skladu sa Smjernicama o minimalnim standardima dodjele budžetskih sredstava putem transfera i subvencija u FBiH.**

7.2 BILANS STANJA

7.2.1 Gotovina, kratkoročna potraživanja, razgraničenja i zalihe

Gotovina, kratkoročna potraživanja, razgraničenja i zalihe u finansijskim izvještajima su iskazani u iznosu od 58.187.060 KM, od čega su finansijski i obračunski odnosi s drugim povezanim jedinicama iskazani 56.847.541 KM. Na poziciji finansijski i obračunski odnosi s drugim povezanim jedinicama u skladu s propisima za budžetske korisnike koji nemaju transakcijske račune, iskazuje se razlika Aktive i Pasive.

Kratkoročna potraživanja iskazana su u iznosu od 1.234.174 KM i odnose se na sumnjiva i sporna potraživanja (852.222 KM), ostala potraživanja (353.226 KM) i potraživanja za bolovanje preko 42 dana (28.726 KM).

U okviru sumnjivih i spornih potraživanja najznačajnija su potraživanja po osnovu neosnovanih isplata tekućih transfera korisnicima prava po Zakonu o osnovama socijalne zaštite, zaštite civilnih žrtava rata i zaštite porodice sa djecom (786.271 KM) i Zakonu o materijalnoj podršci porodicama sa djecom u FBiH (65.826 KM). Iz prezentirane strukture sumnjivih i spornih potraživanja konstatovano je da veći dio ovih potraživanja sa dospelom preko 10 godina i nisu utužena.

U toku revidirane godine na sumnjiva i sporna potraživanja prenesen je iznos od 120.494 KM po osnovu neosnovanih isplata tekućih transfera osobama sa invaliditetom - neratnih invalida i dječijeg dodatka.

Ostala potraživanja najvećim dijelom odnose se na potraživanja od korisnika koji su ostvarili pravo po osnovu Zakona o osnovama socijalne zaštite, zaštite civilnih žrtava rata i porodice sa djecom, a odnose se najvećim dijelom na potraživanja po osnovu neosnovanih isplata, i to: licima sa invaliditetom – neratni invalidi u iznosu od 116.046 KM, po osnovu dječijeg dodatka od 138.198 KM i civilnim žrtvama rata 88.237 KM. Nije nam prezentirano da li su poduzete aktivnosti na naplati ovih potraživanja.

Kratkoročna razgraničenja najvećim dijelom odnose se na razgraničene rashode po izvršnim rješenjima po osnovu tužbi iz radnog odnosa u iznosu od 104.145 KM, evidentirane u skladu s instrukcijom Federalnog ministarstva finansija.

7.2.2 Stalna sredstva

U finansijskim izvještajima iskazana su stalna sredstva sadašnje vrijednosti 1.751.112 KM (nabavne vrijednosti 4.152.014 KM i ispravke vrijednosti 2.400.902 KM) koliko su iskazani i izvori stalnih sredstava. U strukturi stalnih sredstava iskazane su građevine u iznosu od 1.165.708 KM, stalna sredstva u obliku prava u



iznosu od 288.846 KM, oprema u iznosu od 293.342 KM i sredstva trajno van upotrebe u iznosu od 3.216 KM.

U toku godine iskazano je povećanje stalnih sredstava po osnovu izvršenih nabavki u iznosu od 383.953 KM, što se odnosi na nabavku opreme (164.425 KM) i nabavku stalnih sredstava u obliku prava (219.528 KM). Najznačajnije nabavke su nabavka licenci u iznosu od 175.500 KM, nabavka serverske opreme 57.915 KM i nabavka kancelarijskog namještaja u iznosu od 49.046 KM.

Vrijednost stalnih sredstava je umanjena za iznos nabavne vrijednosti 46.840 KM po osnovu Odluke o rashodu stalnih sredstava koju je donio Ministar, a prema prijedlogu Komisije za popis za 2025. godinu. Navedena odluka je knjigovodstveno evidentirana na datum bilansa. U toku 2025. godine knjigovodstveno su evidentirana rashodovana stalna sredstva nabavne vrijednosti u iznosu od 30.441 KM prema Izvještaju o uništenju stalnih sredstava i sitnog inventara. Sredstva su predana firmi Aida - Commerc d.o.o. na uništavanje, koja je dostavila potvrdu o uništavanju stalnih sredstava.

U okviru građevina iskazane su zgrade sadašnje vrijednosti od 1.165.708 KM (dva poslovna prostora, dio sale i garaža) koje su evidentirane u ranijem periodu, bez vjerodostojne dokumentacije o vlasništvu i posjedu. Prethodnih godina utvrđeno je da dio sale u zgradi bivše Samoupravne interesne zajednice (Trg heroja) koristi Zavod zdravstvenog osiguranja i reosiguranja FBiH (u daljnjem tekstu: FZZOIR), i nije u posjedu Ministarstva, kao i poslovni prostor od 56,52 m² (Ul. Milana Preloga) koji je u posjedu Zajednice ustanova i preduzeća za profesionalno osposobljavanje i zapošljavanje invalida u BiH d.o.o. Sarajevo. Za nekretninu – garaža (Ul. Porodice Ribar) preuzet je ključ i ušlo se u posjed. Međutim, prikupljena dokumentacija nije dovoljna kao dokaz o vlasništvu i posjedu. Odlukom Vlade FBiH iz 2019. godine jedan poslovni prostor površine 319,64 m² koji je koristilo Ministarstvo, u Ul. Antuna Branka Šimića br. 4, ustupljen je Federalnoj direkciji robnih rezervi na privremeno korištenje bez naknade. Ministarstvo je u prethodnom periodu dostavilo Federalnom pravobranilaštvu dokumentaciju radi rješavanja statusa nekretnina evidentiranih u poslovnim knjigama. Ministarstvo se 14. 10. 2025. godine obratilo Federalnom pravobranilaštvu zbog rješavanja problema vlasništva i posjeda nekretnina koje su evidentirane kao stalna sredstva u finansijskim izvještajima Ministarstva, a ovim upitom je obuhvaćen i objekat koji je u vlasništvu FZZOIR-a. U dopisu je navedeno da je Ministarstvo u ranijem periodu dostavilo Federalnom pravobranilaštvu posjedovne listove i ZK izvatke za nekretnine koje se vode u knjigovodstvenim evidencijama Ministarstva. Federalno pravobranilaštvo je 5. 12. 2025. godine odgovorilo Ministarstvu da je potrebno da za svaku nekretninu dostave svu relevantnu dokumentaciju kako bi se utvrdilo u čijem su posjedu i da li ima pravnog osnova za podnošenje tužbe pred nadležnim sudom.

U vezi sa dijelom sale u zgradi bivše Samoupravne interesne zajednice (Trg heroja br. 14) koji koristi FZZOIR, revizijom ovog Zavoda za 2023. godinu, konstatovano je da je Općinski sud u Sarajevu 8. 12. 2022. godine donio Rješenje kojim se uspostavlja zemljišnoknjižni uložak kojim se uknjižava pravo vlasništva nad poslovnom zgradom u korist FZZOIR-a. Po osnovu navedenog Rješenja, zemljišnoknjižnog izvatka i procjene procjenitelja, 1. 1. 2023. godine FZZOIR je izvršio knjigovodstveno evidentiranje ovog poslovnog prostora u svoju bilansnu evidenciju. Međutim, u knjigovodstvenim evidencijama Ministarstva, iskazana je sadašnja vrijednost dijela sale u zgradi Samoupravne interesne zajednice (Trg heroja br. 14) u iznosu od 347.049 KM, zato što Ministarstvo nije dobilo od Federalnog pravobranilaštva informaciju da je ovaj poslovni prostor prešao u vlasništvo FZZOIR-a.

Na datum bilansa u knjigovodstvenim evidencijama Ministarstva u okviru građevina iskazane su zgrade u iznosu od 1.165.708 KM, koje su evidentirane u ranijem periodu, bez vjerodostojne dokumentacije o vlasništvu i posjedu, a među njima je i zgrada bivše Samoupravne interesne zajednice (Trg heroja br. 14) koja je u vlasništvu FZZOIR.

Preporuka:

- **dostaviti svu relevantnu dokumentaciju u vezi nekretnina u skladu sa dopisom Federalnog pravobranilaštva s ciljem rješavanja statusa objekata koji se vode u knjigovodstvenim evidencijama Ministarstva.**



7.2.3 Kratkoročne obaveze i razgraničenja

Kratkoročne obaveze i razgraničenja iskazani su u iznosu od 58.187.060 KM.

Kratkoročne tekuće obaveze u iznosu od 56.586.880 KM se prema prezentiranoj dokumentaciji najvećim dijelom odnose na neisplaćene transfere za lica sa invaliditetom – neratni invalidi (24.070.625 KM) i transfer za dječiji dodatak (20.290.285 KM).

Obaveze prema zaposlenima u iznosu od 336.504 KM odnose se na obaveze za plaće i naknade troškova zaposlenih za decembar 2025. godine i izmirene su u januaru 2026. godine.

Kratkoročna razgraničenja u iznosu od 1.263.676 KM najvećim se dijelom odnose na razgraničene ostale prihode iskazane u ukupnom iznosu od 1.205.322 KM: potraživanja od korisnika koji su ostvarili pravo po osnovu Zakona o osnovama socijalne zaštite, zaštite civilnih žrtava rata i porodice s djecom (potraživanja po osnovu izvršenih isplata licima sa invaliditetom – neratni invalidi (902.318 KM), dječijeg dodatka (204.024 KM) i civilnim žrtvama rata (88.235 KM), projekti iz oblasti PIO (10.745 KM)). U okviru kratkoročnih razgraničenja iskazani su i prihodi za potraživanje po osnovu bolovanja preko 42 dana u iznosu od 28.726 KM.

7.2.4 Popis imovine i obaveza

Zakonom o računovodstvu i reviziji u FBiH i Pravilnikom o knjigovodstvu budžeta u FBiH propisano je da je pravno lice odnosno budžetski korisnici dužni najmanje jednom godišnje sa stanjem na dan kada se završava poslovna godina izvršiti popis imovine i obaveza s ciljem da se utvrdi njihovo stvarno stanje, te da se u poslovnim knjigama izvrši usklađivanje knjigovodstvenog sa stvarnim stanjem. Pravilnikom o popisu imovine, potraživanja, zaliha i obaveza Ministarstva definisano je da se redovan popis sredstava i obaveza prema izvorima vrši sa stanjem na dan 31. 12., te da se vrši i usklađivanje knjigovodstvenog i stvarnog stanja.

Rješenjem ministra od 19. 12. 2025. godine imenovana je komisija za popis stalnih sredstava i sitnog inventara, stanja potraživanja i obaveza i novčanih sredstava u blagajni u 2025. godini. Završni elaborat o popisu stalnih sredstava i sitnog inventara, stanja potraživanja i obaveza i novčanih sredstava u blagajni u 2025. godini dostavljen je na razmatranje 20. 2. 2026, a koji je ministar usvojio 25. 2. 2026. godine.

Ministarstvo je izvršilo usklađivanje knjigovodstvenog stanja sa stvarnim stanjem utvrđenim popisom, osim ukupnih sumnjivih i spornih potraživanja.

Uvidom u završni elaborat popisa stalnih sredstava i sitnog inventara, stanja potraživanja i obaveza i novčanih sredstava u blagajni, komisija je sačinila popis potraživanja, posebno sumnjivih i spornih potraživanja, za svakog pojedinačnog korisnika sa statusom poduzetih radnji na njihovoj naplati. Komisija za popis je dala prijedlog Odluke o otpisu potraživanja za identifikovane nenaplative predmete u iznosu od 360.738 KM (426 predmeta). S obzirom na obimnost predmeta (na datum bilansa iskazana su sumnjiva i sporna potraživanja u iznosu od 852.222 KM), Komisija je metodom slučajnog uzorka provjerila dokumentaciju kako bi potvrdila poduzete sve radnje utvrđene zakonskim i podzakonskim aktima. Naime, komisija je konstatovala da predloženi predmeti potraživanja za otpis nemaju mogućnost naplate i da vođenje ovih potraživanja u knjigovodstvenim evidencijama nerealno iskazuje stvarna potraživanja.⁴¹ Ministar je 25. 2. 2026. usvajanjem Elaborata o popisu dao i saglasnost na predloženu Odluku o otpisu potraživanja, koja nije knjigovodstveno evidentirana na datum bilansa. Ministarstvo je 12. 5. 2026. dostavilo Federalnom ministarstvu finansija prijedlog odluke o otpisu nenaplativih potraživanja nastalih provođenjem Zakona o osnovama socijalne zaštite, zaštite civilnih žrtava rata i zaštite porodice sa djecom, nakon dobivenog dopisa Federalnog ministarstva finansija u kojem su date upute da se sačini tabelarni prikaz za svakog korisnika sa navedenim pravnim radnjama poduzetim u cilju povrata. Do okončanja revizije Ministarstvo nije dostavilo Vladi FBiH prijedlog otpisa sumnjivih i spornih potraživanja sa obrazloženjima ovih potraživanja.

⁴¹ Objektivni razlozi: Nemogućnost identifikacije lica koja su neovlašteno koristila kartice preminulih korisnika (bankarske tajne i zaštite podataka) i prestanak pravnog subjektiviteta (smrt korisnika, punomoćnika ili nasljednika).



Naglašavamo da komisija za popis za ostala sumnjiva i sporna potraživanja koja nisu predložena za otpis (491.484 KM), kao i za ostala potraživanja (353.226 KM) nije dala prijedlog za način njihovog rješavanja i poduzimanja daljih aktivnosti na njihovoj naplati.

S obzirom na to da je Komisija za popis metodom slučajnog uzorka provjeravala dokumentaciju kako bi potvrdila sve poduzete radnje utvrđene zakonskim i podzakonskim aktima na naplati iskazanih sumnjivih i spornih potraživanja u knjigovodstvenim evidencijama, konstatovano je da prilikom popisa nije izvršena detaljna analiza ukupno iskazanih sumnjivih i spornih potraživanja, kao ni ostalih potraživanja na datum bilansa.

Provedenom revizijom konstatovano je da je izvršen stvarni popis stalnih sredstava, obaveza, razgraničenja, vanbilansne evidencije i izvršeno usklađivanje knjigovodstvenog stanja sa stvarnim stanjem utvrđenim popisom. Izvršen je stvarni popis sumnjivih i spornih potraživanja i ostalih potraživanja, ali nije izvršeno usklađivanje knjigovodstvenog sa stvarnim stanjem ovih potraživanja.

Preporuka:

- **okončati aktivnosti na analizi iskazanih sumnjivih i spornih potraživanja i ostalih potraživanja, planirati aktivnosti i način njihovog rješavanja, te Vladi FBiH uputiti prijedlog za otpis nenaplativih potraživanja.**

8. VANBILANSNA EVIDENCIJA

U vanbilansnoj evidenciji, na kraju perioda iskazano je 125.094 KM. Ovaj iznos odnosi se na podnesene tužbe protiv Ministarstva po osnovu radno-pravnih odnosa (16.433 KM), te ostale tužbe u iznosu od 108.651 KM. U toku 2025. godine, nakon presuda i rješenja u korist Ministarstva, izvršeno je isknjižavanja vrijednosti dva sudska spora ukupne vrijednosti 128.608 KM.

9. JAVNE NABAVKE

U skladu s odredbama Zakona o javnim nabavkama, Ministarstvo je donijelo Pravilnik o javnim nabavkama. Plan javnih nabavki donesen je 11. 2. 2025, a ukupna procijenjena vrijednost Plana iznosi 644.080 KM.⁴² U toku godine doneseno je 10 izmjena i dopuna Plana, nakon čega ukupna procijenjena vrijednost javnih nabavki iznosi 1.276.650 KM.

Pregled planiranih i provedenih postupaka, kao i revidirani uzorak, dat je u tabeli:

Vrsta postupka	Planirane nabavke		Provedene nabavke			Revidirani uzorak	
	Broj postupaka	Iznos u KM	Broj postupaka	Iznos u KM	% u odnosu na plan	Broj postupaka	Iznos u KM
Direktni sporazum	41	145.700	38	116.781	80	8	36.791
Konkurentski zahtjev	10	231.500	10	216.322	93	4	115.166
Otvoreni postupak	6	499.450	6	401.384	80	2	329.464
Anex II	6	400.000	6	368.190	92	1	249.500
Ukupno	40	1.276.650	60	1.102.677	86	15	730.921

Revizijom je izvršeno ispitivanje usklađenosti 15 provedenih postupaka nabavki, sa fokusom na ispunjenost općih uslova za početak postupka javne nabavke; provođenje procedure javne nabavke; prijem i otvaranje ponuda i izbor ponuđača; realizaciju zaključenog ugovora i postupak pravne zaštite.

Na osnovu izvršene revizije konstatovano je da je Ministarstvo kod provedenih javnih nabavki postupalo u skladu sa Zakonom o javnim nabavkama i Pravilnikom o javnim nabavkama.

⁴² Sve vrijednosti javnih nabavki su iskazane bez PDV-a



10. OSTALI NALAZI

10.1 Implementacija i održavanja IT sistema

Korištenje, podrška i održavanje informacionog sistema za podršku procesu uvođenja u pravo, obračuna i evidencija naknada iz socijalnih prava (SOTAC i eAward)

Za podršku procesu uvođenja u pravo, evidenciju i obračun naknada korisnika socijalnih prava građana iz nadležnosti Ministarstva, kao i nižih administrativnih nivoa, koristi se informacioni sistem SOTAC. Softversko rješenje sistema SOTAC bazirano je na internetskim tehnologijama, baza podataka je jedinstvena, centralizovana i smještena na informatičkoj infrastrukturi Ministarstva. Korisnici aplikacije su: općinske službe za socijalni rad, nadležna kantonalna ministarstva i Ministarstvo. SOTAC se koristi od 2004. godine, a implementiran je za obračun i isplatu neratnih invalidnina, naknada civilnim žrtvama rata, prava za roditelje njegovatelje i prava na materijalnu podršku (dječji dodatak) porodicama sa djecom. Također, kroz SOTAC se evidentiraju i rješenja o prestanku prava po različitim osnovama; povrati neosnovano isplaćenih sredstava; sva prvostepena i drugostepena rješenja; i obaveze i rješenja u okončanim sudskim postupcima.

Održavanje i podrška SOTAC-u osigurava se angažovanjem vanjske informatičke firme, što uključuje održavanje i administriranje softverske aplikacije, administriranje sistema, kao i održavanje hardvera i podršku korisnicima sistema SOTAC. S obzirom da se radi o tehnološki zastarjelom sistemu koji treba zamijeniti zbog nemogućnosti ažuriranja softvera, zastarjelosti opreme i nemogućnosti nabavke rezervnih dijelova, loših performansi sistema, te ugroženosti sigurnosti njegovog rada, Ministarstvo je u 2024. godini u saradnji sa organizacijom UNDP pokrenulo aktivnosti na izradi novog softverskog rješenja. Naime, Ministarstvo i UNDP su 3. 10. 2024. zaključili Sporazum o sufinansiranju, kako bi udružili sredstva na implementaciji projekta „Digitalna transformacije u javnom sektoru u BiH“, odnosno projektnog dokumenta „Razvoj kapaciteta Federalnog ministarstva rada i socijalne politike za unapređenje korisničke podrške“.⁴³

U toku 2025, djelimično je implementiran novi informacioni sistem e-Award. Nakon okončanja faze razvoja, pristupilo se implementaciji e-Awarda i uspostavljanju web servisa s institucijama koje posjeduju relevantne baze podataka. Sistem je testiran od strane kantonalnih ministarstava i pripadajućih centara za socijalni rad. Prema pismenoj izjavi odgovorne osobe, do okončanja revizije sistem je uspješno implementiran u devet kantona, a u aprilu 2026. godine planirano je puštanje u produkciju i posljednjeg preostalog kantona (Kanton Sarajevo), čime će sistem biti u potpunosti operativan na nivou cijele FBiH. Finalizacijom implementacije planirano je potpuno gašenje starog sistema (IS SOTAC). Preostala tri mjeseca garantnog perioda iskoristit će se za otklanjanje eventualno uočenih tehničkih i funkcionalnih nedostataka, te dalji razvoj web servisa. Na 31. 12. 2025. nije izvršeno knjigovodstveno evidentiranje novog softverskog rješenja (e-Award), a prema pismenoj izjavi odgovorne osobe knjigovodstveno evidentiranje će biti izvršeno nakon što Ministarstvo zaprimi potrebnu dokumentaciju od UNDP-a.

Aktivnosti na uspostavi Jedinstvenog registra gotovinskih naknada pojedincima na koje se ne uplaćuju doprinosi u FBiH

Ministarstvo je u skladu sa Zakonom o jedinstvenom registru korisnika gotovinskih naknada na koje se ne uplaćuju doprinosi⁴⁴ (u daljnjem tekstu: Zakon o jedinstvenom registru) uspostavilo Jedinstveni registar gotovinskih naknada pojedincima na koje se ne uplaćuju doprinosi (u daljem tekstu: Jedinstveni registar). Ovim Zakonom je definisano da su korisnici i ujedno obveznici unosa podataka u

⁴³ Ukupna vrijednost projekta 1.563.640 KM, od čega učešće UNDP-a iznosi 913.640 KM, a učešće Ministarstva 650.000 KM. Ovim Sporazumom definisano je da će Ministarstvo uplatiti finansijski doprinos u iznosu od 650.000 KM na račun UNDP-a do 31. 12. 2024. godine, što je i učinjeno.

⁴⁴ „Sl. novine FBiH“, br. 25/17



Jedinstveni registar: svi organi uprave svih nivoa vlasti u FBiH, federalni zavod i kantonalne službe za zapošljavanje, i ostale javne ustanove i izvanbudžetski fondovi koji isplaćuju gotovinske naknade na koje se ne plaćaju doprinosi.

Cilj uspostave Jedinstvenog registra je da se centralizovanjem evidentiranja svih korisnika naknada osigura kontrola namjenskog utroška budžetskih sredstava svih nivoa vlasti budžetskih korisnika, donošenje kvalitetnih i transparentnih finansijskih izvještaja o korištenju budžetskih sredstava, utvrđivanje prijedloga smjernica ekonomske i fiskalne politike i druge vidove ekonomskog planiranja, analize i izvještavanja, te objavljivanje konsolidovanih polugodišnjih i godišnjih izvještaja o javnim rashodima nastalim po osnovi isplate gotovinskih naknada pojedincima.

Ministarstvo je u 2025. godini nastavilo sa aktivnostima na uspostavljanju Jedinstvenog registra. Prema pismenoj izjavi odgovorne osobe, Ministarstvo je u ranijem periodu redovno izvještavalo Vladu FBiH o statusu pristupa i prijenosa naknada od strane potencijalnih i evidentiranih obveznika, koje je Vlada FBiH redovno razmatrala i odobravalala, nakon čega je Ministarstvo prosljeđivalo te zaključke institucijama svih nivoa radi pismenog izjašnjenja i registracije u Jedinstveni registar. Ministarstvo je 6. 12. 2024. dostavilo posljednju Informaciju Vladi FBiH o evidenciji pristupa i prijenosa podataka o isplatama gotovinskih naknada pojedincima na koje se ne uplaćuju doprinosi od strane federalnih, kantonalnih, gradskih/općinskih organa i drugih institucija koje djeluju FBiH u Jedinstveni registar za 2022., 2023. i prvih devet mjeseci 2024. godine. Kako je prezentovano Vladi FBiH nije razmatrala ovu Informaciju, te s obzirom da više ne zahtjeva izvještavanje, Ministarstvo nakon toga nije dostavljalo informacije o Jedinstvenom registru. Prema prezentiranom izvještaju o registrovanim institucijama, zaključno sa 22. 12. 2025. u bazi Jedinstvenog registra bilo je registrovano 247 institucija svih nivoa vlasti, budžetskih i vanbudžetskih korisnika.

10.2 Raspodjela prihoda ostvarenih po osnovu naknada za priređivanje igara na sreću za 2025. godinu i nadzor nad utroškom

Zakonom o igrama na sreću⁴⁵ i Uredbom o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću⁴⁶ (u daljnjem tekstu: Uredba) definisano je da se uplaćena sredstva od priređivača igara na sreću vode na posebnom transakcijskom (namjenskom) računu Trezora FBiH. U skladu s Uredbom, sredstva se usmjeravaju na finansiranje programa i projekata koje predlažu nadležna ministarstva, prema utvrđenim udjelima za raspodjelu prikupljenih sredstava (Federalno ministarstvo rada i socijalne politike 20%), a nadležno ministarstvo vrši raspodjelu sredstava, izvještava o utrošku i vrši nadzor nad utroškom sredstava.

Uputama za podnošenje prijave na javni oglas za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću, koje je Ministarstvo donijelo 29. 1. 2024. godine,⁴⁷ te njihovim dopunama, definisani su opći i posebni kriteriji za dodjelu ovih sredstava.

Federalno ministarstvo finansija dostavilo je 28. 1. 2025. godine nadležnim ministarstvima informaciju o načinu raspodjele prikupljenih prihoda po osnovu naknada za privređivanje igara na sreću, a da se od ukupno prikupljenih prihoda, za finansiranje projekata i programa Ministarstva raspodjeljuje iznos od 927.254 KM. Ova sredstva se prikupljaju na posebnom namjenskom računu i evidentiraju se u Glavnoj knjizi kao izvršenje budžeta Federalnog ministarstva finansija.

Ministarstvo je 6. 2. 2025. godine objavilo Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću. Javnim konkursom definisana je namjena i finansiranje projekata ili programa, pravo učešća, opći i posebni kriteriji za bodovanje, kao i procedura, način pregledanja i ocjenjivanja pristiglih prijava.

⁴⁵ „Sl. novine FBiH“, br. 48/15 i 60/15

⁴⁶ „Sl. novine FBiH“, br. 89/15, 11/17 i 87/22

⁴⁷ Izmjene i dopune su donesene 14. 3. 2024.



Sredstva su predviđena za tri projekta: „Zadovoljavanje potreba lica sa invaliditetom u smislu poboljšanja životnih uslova i rada njihovih organizacija“ do 30.000 KM po podnosiocu zahtjeva, „Smještaj i utočište žrtvama torture i nasilja - sigurne kuće“ do 20.000 KM i „Rad javnih kuhinja“ do 50.000 KM. Imenovana je Komisija za pregledavanje i provjeru formalne ispravnosti podnesenih zahtjeva (26. 2. 2025.) i Komisija za ocjenu i bodovanje (26. 2. 2025. i 30. 4. 2025.).

Prema prezentovanom izvještaju Komisije za pregledavanje i provjeru formalne ispravnosti podnesenih zahtjeva, na Javni konkurs blagovremeno je zaprimljeno 179 prijava, od čega su 134 formalno ispravne, dok 45 ne ispunjava uslove u pogledu formalne ispravnosti. Komisija za ocjenu i bodovanje sačinila je Izvještaj 15. 7. 2025. godine i ocijenila 112 prijava uspješnim i to 96 prijava za projekat „Zadovoljavanje potreba lica sa invaliditetom u smislu poboljšanja životnih uslova i rada njihovih organizacija“, 13 prijava za projekat „Rad javnih kuhinja“ uspješnim i tri prijave za „Smještaj i utočište žrtvama torture i nasilja - sigurne kuće“.⁴⁸ Ministarstvo je 16. 7. 2025. tražilo mišljenje od Federalnog ministarstva finansija na Prijedlog Odluke o utvrđivanju liste korisnika i raspodjeli prihoda ostvarenih po osnovu naknada za priređivanje igara na sreću u iznosu od 922.302 KM. Federalno ministarstvo finansija je dalo 24. 7. 2025. mišljenje da nema primjedbi na prijedlog odluke.

Vlada FBiH donijela je 7. 8. 2025. donijela Odluku o utvrđivanju liste korisnika, kojom se odobrava raspodjela prihoda u ukupnom iznosu od 922.302 KM, od čega se iznos od 676.853 KM raspodjeljuje na finansiranje projekta „Zadovoljavanje potreba lica sa invaliditetom u smislu poboljšanja životnih uslova i rada njihovih organizacija“, iznos od 185.451 KM na finansiranje projekta „Rad javnih kuhinja“, a iznos od 59.998 na finansiranje projekta „Smještaj i utočište žrtvama torture i nasilja - sigurne kuće“. Sredstva za finansiranje projekata, korisnicima uplaćuje Federalno ministarstvo finansija. Ministarstvo je sa 112 korisnika zaključilo ugovore o dodjeli sredstava, kojima je definisano da korisnici imaju obavezu da Ministarstvu dostave narativni izvještaj sa dokumentacijom kojom se dokazuje namjenski utrošak sredstava u roku od 15 dana od okončanja realizacije projekta, a najkasnije do 31. 12. 2025, odnosno do 15. 1. 2026. godine ukoliko je kao rok za realizaciju projekta utvrđen kraj kalendarske godine. U skladu s odredbama zaključenih ugovora, Ministarstvo ima obavezu da vrši kontrolu utroška dodijeljenih sredstava na osnovu dostavljenih izvještaja, te da izvrši kontrolu namjenskog utroška putem nadležne službe ili komisije za nadzor nad namjenskim utroškom, na način da nadležna služba ili komisija izvrši kontrolu dostavljenih izvještaja.

Uvidom u odabrani uzorak, konstatovano je da su korisnici dostavljali izvještaje sa dokumentacijom kojom se dokazuje namjenski utrošak, a korisnici koji nisu namjenski utrošili sredstva su o tome informisali Ministarstvo, te izvršili povrat sredstava u Budžet FBiH.

Ministarstvo je sačinilo i dostavilo Vladi FBiH Informaciju o namjenskom utrošku sredstava dodijeljenih korisnicima u prethodnoj godini.

11. KOMENTARI NA NACRT IZVJEŠTAJA

Na dostavljeni Nacrt izvještaja o izvršenoj finansijskoj reviziji za 2025. godinu Ministarstvo je 22. 5. 2026. godine dostavilo komentar, uz dodatnu dokumentaciju.

Obrazloženja su data na nalaze i preporuke u vezi sa: nekretninama koje nisu u vlasništvu i posjedu Ministarstva; sačinjavanjem godišnjeg izvještaja o rješavanju upravnih stvari u upravnom postupku; sačinjavanjem plana nadzora i godišnjeg izvještaja o izvršenom nadzoru nad zakonitošću rada Instituta za medicinsko vještačenje zdravstvenog stanja; donošenjem podzakonskih akata propisanih Zakonom o ustanovama socijalne zaštite FBiH; donošenjem godišnjeg programa redovnog stručnog nadzora nad radom federalnih ustanova socijalne zaštite i formiranjem komisije za njegovo provođenje; sačinjavanjem analize iskaza; sačinjavanjem i objavljivanjem zbirnog

⁴⁸ S obzirom da prema Izvještaju Komisije za bodovanje i ocjenjivanje, najmanje uspješnih prijava bilo za projekat „Smještaj i utočište žrtvama torture i nasilja-sigurne kuće“, te da su za ovaj projekat neraspoređena sredstva u iznosu od 32.727 KM, ovaj iznos je srazmjerno broju pozitivno ocijenjenih aplikacija raspoređen na ostala dva projekta.



izvještaja izvršenih evaluacija efekata programa utroška; i prijedlogom otpisa nenaplativih potraživanja Vladi FBiH.

Djelimično je prihvaćeno i inkorporirano u Izvještaj obrazloženje u vezi sa prijedlogom otpisa nenaplativih potraživanja Vladi FBiH. Ministarstvo je 12. 5. 2026. dostavilo Federalnom ministarstvu finansija prijedlog odluke o otpisu nenaplativih potraživanja, nakon dobivenog dopisa Federalnog ministarstva finansija u kojem su date upute da se sačini tabelarni prikaz za svakog korisnika sa navedenim pravnim radnjama poduzetim u cilju povrata. Međutim, i dalje ostaje obaveza Ministarstva da pošalje Vladi FBiH prijedlog otpisa sumnjivih i spornih potraživanja sa obrazloženjima svih potraživanja.

U vezi sačinjavanja Plana nadzora i godišnjeg izvještaja o izvršenom nadzoru nad zakonitošću rada Instituta za medicinsko vještačenje zdravstvenog stanja, dostavljen je Izvještaj o izvršenom nadzoru nad zakonitošću rada Instituta za medicinsko vještačenje zdravstvenog stanja za 2025. godinu. Međutim, ovaj Izvještaj je sačinjen 18. 5. 2026. godine, odnosno nakon isteka roka utvrđenog Pravilnikom o vršenju nadzora nad zakonitošću rada Instituta za medicinsko vještačenje zdravstvenog stanja. Također, navedeno je da će se u narednom periodu sačiniti Plan nadzora nad radom ovog Instituta za 2026. godinu. Shodno tome, djelimično je prihvaćeno i inkorporirano u Izvještaj da je Ministarstvo sačinilo Izvještaj o izvršenom nadzoru nad radom Instituta za medicinsko vještačenje zdravstvenog stanja za 2025. godinu nakon roka propisanog Pravilnikom o vršenju nadzora nad zakonitošću rada Instituta za medicinsko vještačenje zdravstvenog stanja, ali ostaje činjenica da nije sačinjen Plan nadzora nad radom Instituta za 2025. godinu u skladu sa ovim Pravilnikom.

Obrazloženje u vezi s nekretninama koje nisu u vlasništvu i posjedu Ministarstva, nije prihvaćeno jer nisu prezentovane nove činjenice, niti je dostavljena dokumentacija koja bi uticala na izmjene nalaza. Naime, Ministarstvo je navelo aktivnosti koje su poduzimane tokom 2025. godine, što je već navedeno u Izvještaju. Pored toga, navedeno je da Ministarstvo obavlja razgovore sa ostalim federalnim ministarstvima koji su u istoj situaciji i da se razmatra mogućnost i način kako da se riješi navedeno pitanje, te da imaju u planu u narednom periodu informisati Vladu FBiH o ovom problemu, sa zahtjevom da se omogući angažovanje advokata koji će podnijeti tužbu za rješavanje ovog spornog pitanja. Međutim, navedene aktivnosti ne mijenjaju činjenicu da Ministarstvo ne posjeduje dokumentaciju o vlasništvu i posjedu imovine koju koristi i koja se vodi u njegovim poslovnim knjigama na datum bilansa.

Osim toga, Ministarstvo je navelo da će postupiti po preostalim preporukama koje se odnose na: sačinjavanje godišnjeg izvještaja o rješavanju upravnih stvari u upravnom postupku; donošenje godišnjeg programa redovnog stručnog nadzora nad radom federalnih ustanova socijalne zaštite i formiranjem komisije za njegovo provođenje; sačinjavanje analize iskaza; sačinjavanje i objavljivanje zbirnog izvještaja izvršenih evaluacija efekata programa utroška.

Reviziju Federalnog ministarstva rada i socijalne politike obavio je revizorski tim u sastavu: Meliha Baručija - voditeljica tima, i Rubina Tanović - članica tima.

Voditeljica tima

Meliha Baručija, s. r.

**Rukovoditeljica Sektora
za razvoj, metodologiju i upravljanje
kvalitetom**

Mia Buljubašić, s. r.

**Koordinatorica rada u Sektoru
za finansijsku reviziju
institucija FBiH**

Sabina Selesković, s. r.

V. PRILOZI

- 1. GODIŠNJI FINANSIJSKI IZVJEŠTAJI**
- 2. IZJAVA RUKOVODSTVA**

BOSNA I HERCEGOVINA
FEDERACIJA BOSNE I HERCEGOVINE

OBRAZAC GIB

Identifikacijski broj: 4200750580002

Šifra po kvalifikacionoj
djelatnosti: 84.11

Nadležno ministarstvo: Federalno ministarstvo finansija

Operativni broj:

Organizacijski broj: 5101

Potrošačka jedinica-glava: Federalno ministarstvo rada i socijalne politike

Funkcionalni kod: 1090

Sjedište potrošačke jedinice: Sarajevo, Hamdije Čemerlića br.2

Fond: 10

Pojedinačni obrasci: z

Konsolidovani obrasci: _____

GODIŠNJI IZVJEŠTAJ O IZVRŠENJU BUDŽETA
Period izvještavanja : od 01.01. do 31.12.2025.godine

R.b.	Broj Konta	POZICIJA	Oznaka za AOP	Planirano	Ostvareno		Odstupanje (4-3)	Procenat 4/3 x 100
					u tekućoj godini	u prethodnoj godini		
	1	2		3	4	5	6	7
1		PRIHODI (2+17+36)	200	48.000	42.479	41.568	-5.521	88,5%
2	710000	PRIHODI OD POREZA (3+7+9+11+13+14+15+16)	201	0	0	0	0	#DIV/0!
3	711000	Porezi na dobit pojedinaca i preduzeća (4+5+6)	202	0	0	0	0	#DIV/0!
4	711100	Porezi na dobit pojedinaca (zaostale uplate poreza)	203				0	#DIV/0!
5	711200	Porezi na dobit preduzeća	204				0	#DIV/0!
6	711900	Porez na dobit banaka i dr.fin.organizacija, društava za osiguranje i reosiguranje imovine i lica, pravnih lica iz oblasti elektroprivrede, pošte i telekomunikacija i pravnih lica iz oblasti igara na sreću i ostalih preduzeća	205				0	#DIV/0!
7	712000	Doprinosi za socijalnu zaštitu (7=8)	206	0	0	0	0	#DIV/0!
8	712100	Doprinosi za socijalnu zaštitu	207				0	#DIV/0!
9	713000	Porezi na plaću i radnu snagu (13=14)	208	0	0	0	0	#DIV/0!
10	713100	Porezi na plaću (zaostale uplate poreza)	209				0	#DIV/0!
11	714000	Porez na imovinu (15=16)	210	0	0	0	0	#DIV/0!
12	714100	Porez na imovinu	211				0	#DIV/0!
13	715000	Domaći porezi na dobra i usluge	212				0	#DIV/0!
14	716000	Porezi na dohodak	213				0	#DIV/0!
15	717000	Prihodi od indirektnih poreza	214				0	#DIV/0!
16	719000	Ostali porezi	215				0	#DIV/0!



17	720000	NEPOREZNI PRIHODI (18+26+34+35)	216	48.000	42.479	41.568	-5.521	88,5%
18	721000	Prihodi od poduzetničkih aktivnosti i imovine i prihodi od pozitivnih kursnih razlika (19+.....+25)	217	0	0	0	0	#DIV/0!
19	721100	Prihodi od nefin.javnih preduzeća i fin. Institucija	218				0	#DIV/0!
20	721200	Ostali prihodi od imovine	219				0	#DIV/0!
21	721300	Kamate i dividende primljene od pozajmica i učešća u kapitalu	220				0	#DIV/0!
22	721400	Naknade primljene od pozajmica i učešća u kapitalu	221				0	#DIV/0!
23	721500	Prihodi od pozitivnih kursnih razlika	222				0	#DIV/0!
24	721600	Prihodi od privatizacije	223				0	#DIV/0!
25	721700	Prihodi po osnovu premije i provizije za izdatu garanciju	224				0	#DIV/0!
26	722000	Naknade i takse i prihodi od pružanja javnih usluga (27+.....33)	225	48.000	42.479	41.568	-5.521	88,5%
27	722100	Administrativne takse	226			0	0	#DIV/0!
28	722200	Sudske takse	227				0	#DIV/0!
29	722300	Komunalne naknade i takse	228				0	#DIV/0!
30	722400	Ostale budžetske naknade i takse	229				0	#DIV/0!
31	722500	Naknade i takse po federalnim zakonima i drugim propisima	230	48.000	42.479	41.568	-5.521	88,5%
32	722600	Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)	231				0	#DIV/0!
33	722700	Neplanirane uplate-prihodi	232				0	#DIV/0!
34	723000	Novčane kazne	233					
35	777000	Drugi tekući prihodi	234				0	#DIV/0!
36		PRIMLJENI TRANSFERI (Transferi i donacije) (37+38+39+40+41+42)	235	0	0	0	0	#DIV/0!
37	731100	Primljeni tekući transferi od inostranih Vlada i međunarodnih organizacija	236				0	#DIV/0!
38	732100	Primljeni transferi od ostalih nivoa vlasti	237				0	#DIV/0!
39	741100	Primljeni kapitalni transferi od inostranih Vlada	238				0	#DIV/0!
40	742100	Kapitalni transferi od ostalih nivoa vlasti i fondova	239					
41	742200	Kapitalni transferi iz nevladinih izvora	240				0	#DIV/0!
42	733100	Donacije	241				0	#DIV/0!
43		RASHODI (44+47+48+58+67+75+80)	242	591.771.529	632.646.577	459.464.542	40.784.365	106,9%



44	611000	Plaće i naknade troškova zaposlenih (45+46)	243	4.382.236	3.933.468	3.476.455	-448.768	89,8%
45	611100	Bruto plaće i naknade plaća	244	3.712.000	3.430.894	3.046.284	-281.106	92,4%
46	611200	Naknade troškova zaposlenih	245	670.236	502.574	430.171	-167.662	75,0%
47	612000	Doprinosi poslodavca i ostali doprinosi	246	408.800	270.147	319.861	-138.653	66,1%
48	613000	Izdaci za materijal, sitan inventar i usluge (49+.....+57)	247	1.750.107	1.429.106	1.795.217	-321.001	81,7%
49	613100	Putni troškovi	248	50.000	23.944	19.991	-26.056	47,9%
50	613200	Izdaci za energiju	249				0	#DIV/0!
51	613300	Izdaci za komunikaciju i komunalne usluge	250	150.000	145.893	120.201	-4.107	97,3%
52	613400	Nabavka materijala i sitnog inventara	251	70.000	33.089	56.504	-36.911	47,3%
53	613500	Izdaci za usluge prevoza i goriva	252	30.000	11.701	12.220	-18.299	39,0%
54	613600	Unajmljivanje imovine, opreme i nematerijalne imovine	253	20.000	20.033	11.612	33	100,2%
55	613700	Izdaci za tekuće održavanje	254	465.000	341.706	332.934	-123.294	73,5%
56	613800	Izdaci osiguranja, bankarskih usluga i usluga platnog prometa	255	14.000	8.779	8.331	-5.221	62,7%
57	613900	Ugovorene i druge posebne usluge	256	951.107	843.961	1.233.425	-107.146	88,7%
58	614000	Tekući transferi i drugi tekući rashodi (59+.....+66)	257	578.230.386	623.163.856	446.223.008	44.933.470	107,8%
59	614100	Tekući transferi drugim nivoima vlasti	258	96.568.493	93.767.958	46.436.090	-2.800.535	97,1%
60	614200	Tekući transferi pojedincima	259	466.405.893	516.997.525	391.206.998	50.591.632	110,8%
61	614300	Tekući transferi neprofitnim organizacijama	260	15.060.000	12.256.076	8.579.920	-2.803.924	81,4%
62	614400	Subvencije javnim preduzećima	261	146.000	142.298	0	-3.703	97,5%
63	614500	Subvencije privatnim preduzećima i poduzetnicima	262				0	#DIV/0!
64	614600	Subvencije finansijskim institucijama	263				0	#DIV/0!
65	614700	Tekući transferi u inostranstvo	264				0	#DIV/0!
66	614800	Drugi tekući rashodi	265	50.000	0		-50.000	0,0%
67	615000	Kapitalni transferi (68+.....+74)	266	7.000.000	3.850.000	7.650.000	-3.150.000	1
68	615100	Kapitalni transferi drugim nivoima vlasti	267	2.000.000	1.850.000	2.000.000	-150.000	92,5%
69	615200	Kapitalni transferi pojedincima	268				0	#DIV/0!
70	615300	Kapitalni transferi neprofitnim organizacijama	269	5.000.000	2.000.000	5.650.000	-3.000.000	40,0%
71	615400	Kapitalni transferi javnim preduzećima	270				0	#DIV/0!
72	615500	Kapitalni transferi privatnim preduzećima i poduzetnicima	271				0	#DIV/0!
73	615600	Kapitalni transferi finansijskim institucijama	272				0	#DIV/0!
74	615700	Kapitalni transferi u inostranstvo	273				0	#DIV/0!
75	616000	Izdaci za kamate (76+.....+79)	274	0	0	0	0	#DIV/0!
76	616100	Kamate na pozajmice primljene kroz Državu	275				0	#DIV/0!
77	616200	Izdaci za inostrane kamate	276				0	#DIV/0!
78	616300	Kamate na domaće pozajmljivanje	277				0	#DIV/0!
79	616500	Izdaci za kamate vezane za dug po izdatim garancijama	278				0	#DIV/0!
80	600000	Teuća budžetska rezerva	279				0	#DIV/0!
81		TEKUĆI SUFICIT (TEKUĆI DEFICIT) (1 minus 43)	280	-591.723.529	-632.604.098	-459.422.974	-40.880.569	106,9%



82		TRANSAKCIJE U STALNIM SREDSTVIMA	281				0	#DIV/0!
83		PRIMICI OD PRODAJE STALNIH SREDSTAVA (84+85+86)	282	0	0	0	0	#DIV/0!
84	811100	Primici od prodaje stalnih sredstava	283				0	#DIV/0!
85	811200	Primici od prodaje federalnih robnih rezervi	284				0	#DIV/0!
86	811900	Ostali kapitalni primici	285				0	#DIV/0!
87	821000	IZDACI ZA NABAVKU STALNIH SREDSTAVA (88+.....+93)	286	410.000	319.317	334.141	-90.683	77,9%
88	821100	Nabavka zemljišta, šuma i višegodišnjih zasada	287				0	#DIV/0!
89	821200	Nabavka građevina	288				0	#DIV/0!
90	821300	Nabavka opreme	289	160.000	112.227	274.202	-47.773	70,1%
91	821400	Nabavka ostalih stalnih sredstava	290				0	#DIV/0!
92	821500	Nabavka stalnih sredstava u obliku prava	291	250.000	207.090	59.939	-42.910	82,8%
93	821600	Rekonstrukcija i investicijsko održavanje	292				0	#DIV/0!
94		NETO NABAVKA STALNIH SREDSTAVA (87 minus 83)	293	410.000	319.317	334.141	-90.683	77,9%
95		NETO POZAJMLJIVANJE (NETO ZADUŽIVANJE)= UKUPAN DEFICIT/SUFICIT (81 minus 94)	294	-592.133.529	-632.923.415	-459.757.114	-40.789.886	106,9%
96		TRANSAKCIJE U FINANSIJSKOJ IMOVINI	295				0	#DIV/0!
97		PRIMICI OD FINANSIJSKE IMOVINE (98+.....+104)	296	0	0	0	0	#DIV/0!
98	813100	Primljene otplate od pozajmljivanja drugim nivoima vlasti	297				0	#DIV/0!
99	813200	Primljene otplate od pozajmljivanja pojedincima i neprofitnim organizacijama	298				0	#DIV/0!
100	813300	Primljene otplate od pozajmljivanja javnim preduzećima	299				0	#DIV/0!
101	813400	Primitak sredstava po osnovu učešća u dionicama javnih preduzeća	300				0	#DIV/0!
102	813500	Primitak sredstava po osnovu učešća u dionicama privatnih preduzeća i zajedničkim ulaganjima	301				0	#DIV/0!
103	813600	Primljene otplate od ostalih vidova domaćeg pozajmljivanja	302				0	#DIV/0!
104	813700	Primljene otplate od pozajmljivanja u inostranstvo	303				0	#DIV/0!
105	822000	IZDACI ZA FINANSIJSKU IMOVINU (106+.....+112)	304	0	0	0	0	#DIV/0!
106	822100	Pozajmljivanje drugim nivoima vlasti	305				0	#DIV/0!
107	822200	Pozajmljivanje pojedincima, neprofitnim organizacijama i privatnim preduzećima	306				0	#DIV/0!
108	822300	Pozajmljivanje javnim preduzećima	307				0	#DIV/0!
109	822400	Izdaci za kupovinu dionica javnih preduzeća	308				0	#DIV/0!
110	822500	Izdaci za kupovinu dionica privatnih preduzeća i učešće u zajedničkim ulaganjima	309				0	#DIV/0!
111	822600	Ostala domaća pozajmljivanja	310				0	#DIV/0!
112	822700	Pozajmljivanje u inostranstvo	311				0	#DIV/0!



113		NETO POVEĆANJE (SMANJENJE) FINANSIJSKE IMOVINE (97 minus 105)	312	0	0	0	0	#DIV/0!
114		TRANSAKCIJE U FINANSIJSKIM OBAVEZAMA	313				0	#DIV/0!
115		PRIMICI OD ZADUŽIVANJA (116+120)	314	0	0	0	0	#DIV/0!
116	814000	Primici od dugoročnog zaduživanja (117+118+119)	315	0	0	0	0	#DIV/0!
117	814100	Zajmovi primljeni kroz državu	316				0	#DIV/0!
118	814200	Primici od inostranog zaduživanja	317				0	#DIV/0!
119	814300	Primici od domaćeg zaduživanja	318				0	#DIV/0!
120	815000	Primici od kratkoročnog zaduživanja (121+122+123)	319	0	0	0	0	#DIV/0!
121	815100	Zajmovi primljeni kroz državu	320				0	#DIV/0!
122	815200	Primici od inostranog zaduživanja	321				0	#DIV/0!
123	815300	Primici od domaćeg zaduživanja	322				0	#DIV/0!
124	823000	IZDACI ZA OTPLATE DUGOVA (125+.....+130)	323	0	0	0	0	#DIV/0!
125	823100	Otplate dugova primljenih kroz državu	324				0	#DIV/0!
126	823200	Vanjske otplate	325				0	#DIV/0!
127	823300	Otplate domaćeg pozajmljivanja	326				0	#DIV/0!
128	823400	Otplata unutrašnjeg duga	327				0	#DIV/0!
129	823500	Otplata duga po izdanim garancijama	328				0	#DIV/0!
130	823600	Otkup duga	329				0	#DIV/0!
131		NETO ZADUŽIVANJE (NETO OTPLATE DUGOVA minus 124) (115	330	0	0	0	0	#DIV/0!
132		UKUPAN FINANSIJSKI REZULTAT (95+113+131)	331	-592.133.529	-632.923.415	-459.757.114	-40.789.886	106,9%
133		SINTETIČKA KLASIFIKACIJA FUNKCIJA VLADE (COFOG) (134+143+149+156+166+173+180+187+194+203)	332	0	0	0	0	#DIV/0!
134	01	Opšte javne usluge (135+.....+142)	333	0	0	0	0	#DIV/0!
135	011	Izvršni i zakonodavni organi, finansijski i fiskalni poslovi, vanjski poslovi	334				0	#DIV/0!
136	012	Strana ekonomska pomoć	335				0	#DIV/0!
137	013	Opće usluge	336				0	#DIV/0!
138	014	Osnovno istraživanje	337				0	#DIV/0!
139	015	liR Opće javne usluge	338				0	#DIV/0!
140	016	Opće javne usluge n. k.	339				0	#DIV/0!
141	017	Transakcije vezane za javni dug	340				0	#DIV/0!
142	018	Transferi općeg karaktera između različitih nivoa vlasti	341				0	#DIV/0!



143	02	Obrana(144+.....+148)	342	0	0	0	0	#DIV/0!
144	021	Vojna odbrana	343				0	#DIV/0!
145	022	Civilna odbrana	344				0	#DIV/0!
146	023	Inostrana vojna pomoć	345				0	#DIV/0!
147	024	liR Odbrana	346				0	#DIV/0!
148	025	Odbrana n. k.	347				0	#DIV/0!
149	03	Javni red i sigurnost (150+.....+155)	348	0	0	0	0	#DIV/0!
150	031	Policijske usluge	349				0	#DIV/0!
151	032	Usluge protivpožarne zaštite	350				0	#DIV/0!
152	033	Sudovi	351				0	#DIV/0!
153	034	Zatvori	352				0	#DIV/0!
154	035	liR Javni red i sigurnost	353				0	#DIV/0!
155	036	Javni red i sigurnost n. k.	354				0	#DIV/0!
156	04	Ekonomski poslovi (157+.....+165)	355	0	0	0	0	#DIV/0!
157	041	Opći ekonomski, komercijalni i poslovi po pitanju rada	356				0	#DIV/0!
158	042	Poljoprivreda, šumarstvo, lov i ribolov	357				0	#DIV/0!
159	043	Gorivo i energija	358				0	#DIV/0!
160	044	Rudarstvo, proizvodnja i izgradnja	359				0	#DIV/0!
161	045	Transport	360				0	#DIV/0!
162	046	Komunikacije	361				0	#DIV/0!
163	047	Ostale industrije	362				0	#DIV/0!
164	048	liR Ekonomski poslovi	363				0	#DIV/0!
165	049	Ekonomski poslovi n. k.	364				0	#DIV/0!
166	05	Zaštita životne sredine (167+.....+172)	365	0	0	0	0	#DIV/0!
167	051	Upravljanje otpadom	366				0	#DIV/0!
168	052	Upravljanje otpadnim vodama	367				0	#DIV/0!
169	053	Smanjenje zagađenosti	368				0	#DIV/0!
170	054	Zaštita raznovrsnosti flore i faune i zaštita krajolika	369				0	#DIV/0!
171	055	liR Zaštita životne sredine	370				0	#DIV/0!
172	056	Zaštita životne sredine n. k.	371				0	#DIV/0!
173	06	Stambeni i zajednički poslovi (174+.....+179)	372	0	0	0	0	#DIV/0!
174	061	Stambeni razvoj	373				0	#DIV/0!
175	062	Razvoj zajednice	374				0	#DIV/0!
176	063	Vodosnabdijevanje	375				0	#DIV/0!
177	064	Ulična rasvjeta	376				0	#DIV/0!
178	065	liR Stambeni i zajednički poslovi	377				0	#DIV/0!
179	066	Stambeni i zajednički poslovi n. k.	378				0	#DIV/0!



180	07	Zdravstvo (181+.....+186)	379	0	0	0	0	#DIV/0!
181	071	Medicinski proizvodi, uređaji i oprema	380				0	#DIV/0!
182	072	Vanbolničke usluge	381				0	#DIV/0!
183	073	Bolničke usluge	382				0	#DIV/0!
184	074	Usluge zdravstvene zaštite	383				0	#DIV/0!
185	075	liR Zdravstvo	384				0	#DIV/0!
186	076	Zdravstvo n. k.	385				0	#DIV/0!
187	08	Rekreacija, kultura i religija (188+.....+193)	386	0	0	0	0	#DIV/0!
188	081	Usluge sporta i rekreacije	387				0	#DIV/0!
189	082	Usluge kulture	388				0	#DIV/0!
190	083	Usluge emitiranja i izdavaštva	389				0	#DIV/0!
191	084	Religijske i druge zajedničke usluge	390				0	#DIV/0!
192	085	liR Rekreacija, kultura i religija	391				0	#DIV/0!
193	086	Rekreacija, kultura i religija n. k.	392				0	#DIV/0!
194	09	Obrazovanje (195+.....+202)	393	0	0	0	0	#DIV/0!
195	091	Predškolsko i osnovno obrazovanje	394				0	#DIV/0!
196	092	Srednje obrazovanje	395				0	#DIV/0!
197	093	Obrazovanje poslije srednje škole koje nije visoko obrazovanje	396				0	#DIV/0!
198	094	Visoko obrazovanje	397				0	#DIV/0!
199	095	Obrazovanje koje nije definirano nivoom	398				0	#DIV/0!
200	096	Pomoćne usluge obrazovanju	399				0	#DIV/0!
201	097	liR Obrazovanje	400				0	#DIV/0!
202	098	Obrazovanje n. k.	401				0	#DIV/0!
203	10	Socijalna zaštita (204+.....+212)	402	0	0	0	0	#DIV/0!
204	101	Bolest i hendikepiranost	403				0	#DIV/0!
205	102	Starost	404				0	#DIV/0!
206	103	Nasljednici	405				0	#DIV/0!
207	104	Porodica i djeca	406				0	#DIV/0!
208	105	Nezaposlenost	407				0	#DIV/0!
209	106	Stanovanje	408				0	#DIV/0!
210	107	Socijalno isključenje n. k.	409				0	#DIV/0!
211	108	liR Socijalna zaštita	410				0	#DIV/0!
212	109	Socijalna zaštita n. k.	411				0	#DIV/0!

U Sarajevu, Certificirani računovođa KILIĆ (GALIB) DŽANA

Dana _____ Broj dozvole: _____

Rukovodilac
M.P.

BOSNA I HERCEGOVINA
FEDERACIJA BOSNE I HERCEGOVINE

Federalno ministarstvo finansija
Nadležno ministarstvo

Federalno ministarstvo rada i socijalne politike Sarajevo
Potrošačka jedinica - glava

Sarajevo-Novo Sarajevo
Sjedište potrošačke jedinice

Obrazac BS

4200750580002

Identifikacioni broj

84.11

Šifra po kvalifikacionoj djelatnosti

5101

Organizacioni broj

0

Operativni broj

1090

Funkcionalni kod

10

Fond

Pojedinačni obrasci:

Konsolidovani obrasci:

BILANS STANJA
na dan 31.12.2025. godine

- u KM -

R.b.	Broj konta	Pozicija	Oznaka za AOP	U obračunskom periodu tekuće godine	U istom obračunskom periodu prethodne godine	Procentat (4/5) × 100
1	1	2	3	4	5	6
		I AKTIVA				
2	100000+ 200000	A. Gotovina, kratkoročna potraživanja, razgraničenja i zalihe (3 do 10)	001	58.187.060	38.333.012	151,79
3	110000	Novčana sredstva i plemeniti metali	002	457	8	5.712,50
4	120000	Vrijednosni papiri	003			
5	130000	Kratkoročna potraživanja	004	1.234.174	1.043.529	118,27
6	140000	Kratkoročni plasmani	005			
7	160000	Finansijski i obračunski odnosi sa drugim povezanim jedinicama	006	56.847.541	37.184.424	152,88
8	210000	Zalihe materijala i robe	007			
9	220000	Zalihe sitnog inventara	008			
10	190000	Kratkoročna razgraničenja	009	104.888	105.051	99,84
11	000000	B. Stalna sredstva (14+17+20+21)	010	1.751.112	1.571.243	111,45
12	011000	Stalna sredstva	011	4.152.014	3.835.900	108,24
13	011900	Ispravka vrijednosti stalnih sredstava	012	2.400.902	2.264.657	106,02
14	011-0119	Neotpisana vrijednost stalnih sredstava (12-13)	013	1.751.112	1.571.243	111,45
15	020000	Dugoročni plasmani	014			
16	029000	Ispravka vrijednosti dugoročnih plasmana	015			
17	020-029	Neotpisana vrijednost dugoročnih plasmana (15-16)	016			
18	031000	Vrijednosni papiri	017			
19	031900	Ispravka vrijednosti vrijednosnih papira	018			
20	031-0319	Neotpisana vrijednost vrijednosnih papira (18-19)	019			
21	09	Dugoročna razgraničenja	020			
22		UKUPNA AKTIVA (2+11) = 41	021	59.938.172	39.904.255	150,20

* 1 0 7 4 2 2 5 8 1 3 6 2 5 8 *
str. 1 od 2

Kontrolni broj: 10742258136258



R.b.	Broj konta	Pozicija	Oznaka za AOP	U obračunskom periodu tekuće godine	U istom obračunskom periodu prethodne godine	Procenat (4/5) × 100
	1	2	3	4	5	6
23		II PASIVA				
24	300000	A. Kratkoročne obaveze i razgraničenja (25 do 30)	022	58.187.060	38.333.012	151,79
25	310000	Kratkoročne tekuće obaveze	023	56.586.880	36.967.782	153,07
26	320000	Obaveze po osnovu vrijednosnih papira	024			
27	330000	Kratkoročni krediti i zajmovi	025			
28	340000	Obaveze prema zaposlenicima	026	336.504	313.320	107,40
29	360000	Finansijski i obračunski odnosi s drugim povezanim jedinicama	027			
30	390000	Kratkoročna razgraničenja	028	1.263.676	1.051.910	120,13
31	400000	B. Dugoročne obaveze i razgraničenja (32+33+34)	029			
32	410000	Dugoročni krediti i zajmovi	030			
33	420000	Ostale dugoročne obaveze	031			
34	490000	Dugoročna razgraničenja	032			
35	500000	C. Izvori stalnih sredstava (36+37+38+39-40)	033	1.751.112	1.571.243	111,45
36	510000	Izvori stalnih sredstava	034	1.751.112	1.571.243	111,45
37	520000	Ostali izvori sredstava	035			
38	530000	Izvori sredstava rezervi	036			
39	590000	Neraspoređeni višak prihoda nad rashodima	037			
40	590000	Neraspoređeni višak rashoda nad приходima	038			
41		UKUPNA PASIVA (24+31+35) = 22	039	59.938.172	39.904.255	150,20

Sarajevo-Novo Sarajevo, 25.02.2026.
Mjesto i datum

KILIĆ (GALIB) DŽANA
Certifikovani računovođa

Adnan Delić
Rukovodilac

Broj dozvole

M.P.

Kontakt

Datum: 14.05.2026.
Broj: 08-115-2385/25

URED ZA REVIZIJU INSTITUCIJA U FBiH

IZJAVA RUKOVODSTVA

Ova izjava (u skladu sa zahtjevima ISSAI-ja 2580) daje se u vezi s vašom finansijskom revizijom **Federalnog ministarstva rada i socijalne politike** za 2025. godinu, u svrhu izražavanja mišljenja o tome da li finansijski izvještaji daju istinit i objektivan prikaz, po svim materijalno značajnim aspektima, u skladu s posebnim propisima Federacije BiH za budžetske korisnike o računovodstvu i finansijskom izvještavanju u javnom sektoru.

Izjava se daje i u svrhu potvrđivanja da su aktivnosti, finansijske transakcije i informacije, prikazane u finansijskim izvještajima **Federalnog ministarstva rada i socijalne politike**, u svim značajnim aspektima usklađene s nadležnom zakonskom i drugom pravnom regulativom.

Potvrđujemo sljedeće (po našem najboljem znanju i uvjerenju, nakon ispitivanja koje smo smatrali neophodnim kako bismo se odgovarajuće informisali):

Finansijski izvještaji

- Ispunili smo svoju odgovornost za pripremu finansijskih izvještaja u skladu s posebnim propisima Federacije BiH o računovodstvu i finansijskom izvještavanju u javnom sektoru.
- Značajne pretpostavke koje smo koristili u izradi računovodstvenih procjena, uključujući i one mjerene po fer vrijednosti, razumne su i osnovane.
- Odnosi i transakcije između povezanih strana adekvatno su računovodstveno obuhvaćene i objavljene u skladu s posebnim propisima Federacije BiH o računovodstvu i finansijskom izvještavanju.
- Pravilno smo procijenili, evidentirali i objavili sve gubitke po osnovu nenaplativih potraživanja, preuzetih obaveza i obezvređivanja imovine.
- Preduzeli smo neophodne aktivnosti da spriječimo prevare i zloupotrebe javnih sredstava za slučajeve koji su nam bili poznati.
- Nije bilo neusklađenosti sa zahtjevima nadležne zakonske i druge pravne regulative, koje bi, u slučaju nepoštovanja, mogle imati materijalno značajne efekte na finansijske izvještaje.

- Nabavke roba, usluga i radova proveli smo u skladu sa Zakonom o javnim nabavkama u BiH, rukovodeći se principima racionalnog trošenja javnih sredstava i obezbjeđivanja najboljeg kvaliteta nabavljenih roba, usluga i radova.
- Postupili smo u skladu sa svim aspektima odredbi ugovora (koje smo zaključili tokom godine ili u ranijem periodu), a koje bi, u slučaju nepridržavanja, mogle imati značajne efekte na finansijske izvještaje.
- Sve transakcije su evidentirane u računovodstvenim evidencijama i prezentovane u finansijskim izvještajima.

Omogućili smo vam:

- pristup svim poslovnim knjigama, evidencijama i dokumentaciji, za koje smatramo da su relevantne za pripremu finansijskih izvještaja;
- pristup svim informacijama o sudskim sporovima u toku, pokrenutim protiv **Federalnog ministarstva rada i socijalne politike** i koje je pokrenulo **Federalno ministarstvo rada i socijalne politike** i procjenu ishoda tih sporova;
- pristup dokumentaciji vezanoj za sudska poravnjanja i isplate po tim osnovama;
- dodatne informacije koje ste zahtijevali od nas za potrebe revizije;
- neograničen pristup osobama u **Federalnom ministarstvu rada i socijalne politike** za koje ste utvrdili da je neophodno da daju revizorske dokaze.

Pružene informacije

- Otkrili smo vam sve poznate slučajeve neusklađenosti sa zakonskom i drugom pravnom regulativom ili sumnjama da one postoje.
- Otkrili smo vam identitet povezanih stranaka subjekta i sve odnose i transakcije koje su nam poznate.
- Dali smo sve informacije u vezi s prevarom ili sumnjom da ona postoji, za koje imamo saznanja i koje mogu uticati na subjekt, a uključuju:
 - rukovodstvo;
 - zaposlene koji imaju značajnu ulogu u internoj kontroli ili
 - ostale, gdje prevara može imati značajan učinak na finansijske izvještaje.

